



EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
754
'7
S5
1738
V. 82





硃批李衛奏摺

雍正十一年正月十五日直隸總督臣李衛謹

奏爲恭繳

御批附陳交代起程事竊臣自進京叩覲

天顏十有餘日荷蒙

皇恩得以親承

聖訓跪聆至理開導愚蒙使茅塞心胷畧有牖啓感戴

欣忭莫可名言

臣隨於十二日出京星馳回保十

四日將緊要案件料理交代十五日送印後卽起

程赴浙所有上年冬月先後兩次奉到查辦事

御批原奏摺七件理合恭繳其中直省應行查辦事件
以及邪教爲首之人均有就獲解到者俱面與署
協二臣唐執玉顧琮言明原委斟酌料理容臣回
任後逐一查明分晰覆

旨至臣屬員各有官守不敢多帶查清河同知楊灝於
工程熟練人亦明白有才此時本管河務無事暫
行帶往於夏汛之前即可回任兩無岐誤并舊有
直督衙門筆帖式二員內隨去玉麟一人稍供沿
途差遣之用相應一并附摺陳明伏乞

睿鑒爲此謹

奏

浙省各員均係舊屬其才具諒所素悉可以任意指揮
直隸屬員似不須帶往若既束裝在道則亦已耳

雍正十一年四月十七日直隸總督臣李衛謹

奏爲甘霖大沛四野霑足恭摺

奏報上慰

聖懷事竊照直隸西南各屬地方冬春雪雨畧少

皇上敬

天勤民虔誠祈禱已於三月二十六等日得有時雨而

聖心惟恐未能普徧屢頒

硃批諭旨

六

二

李

衛

諭旨動支各縣存穀撥運北倉米石減價平糶將舊欠

錢糧

特命緩徵恤刑慎獄平允矜全浩蕩

洪恩有加無已今保定府一帶於本月十六日申時起
濃雲密布雷電交作初猶隨下隨止是夜子時大
沛滂沱纏綿稠密直至十七日巳時漸住而彤雲
深厚看來所及廣遠除別屬各縣現在飛查續報
外臣差員四郊履勘高下田畝俱各透足從此麥
秋雨熟可望豐收農夫鼓腹稱慶歡聲載道此誠
皇上實心實政徵應感孚呼吸可通捷於影響億萬蒼

生皆蒙

福佑臣等文武各官曷勝欣忭之至爲此先行繕摺奏

聞伏乞

睿鑒謹

奏

保陽一帶得雨情形以手加額覽焉

雍正十一年四月二十日直隸總督臣李衛謹

奏爲奏

聞事竊臣於回京入境之初途間卽聞有旗人白三邪

術惑人在涿州發覺查拏逃遁未獲臣料其必於

水路及屯莊口外潛踪以避耳目凡遇文武屬員
卽密令彼此知會上緊設法務獲姦宄以除民害
今據天津縣知縣徐而發稟稱本月十六日差役
在該縣地方王家莊飯鋪內見有買酒之人形迹
可疑隨同昌平州差役盤詰拏住訊據自認係白
馬亮卽趙鴻亮現已撥兵護解來保等因臣隨面
諭竇啓瑛差員星飛迎去沿途小心看管押解到
日究審外事關

特旨嚴拏要犯理合先行

奏報謹

奏

此犯就獲甚屬可嘉該縣令及捕役人等亟應從優獎賞以示鼓勵

雍正十一年五月十五日直隸總督臣李衛謹

奏爲敬陳管見恭請

睿裁事竊查直隸近年於提標宣化鎮張家口龍門獨石等營添兵五千四百名此誠

國家慎重邊防儲備勁旅深謀至計臣又何敢妄議惟是淺陋之識營伍重費餉糈多一兵必實在得一兵之用方爲有益今聞從前因急於足數所收

新兵其中雖有壯健勇幹之人亦有軟弱油滑懶
學技藝者此等人在營亦算一兵若欲望其遇事
調遣勇敢向前恐不易得而官兵俸餉米折馬乾
以及買馬製械等項卽雍正十年一歲而論已在
藩庫支給過銀二十二萬五千七百餘兩尚有建
造營房共約需銀十萬兩嗣後有閏無閏計算餉
米十七八萬餘兩歲歲皆有錢糧關係不可不爲
籌及況前項兵丁防守地方者少存營操練者多
原備調遣之用又臣標奉

旨募兵二千名在保訓練現在詳慎選擇精壯者充伍

若再於提標所添一千六百名內挑留一千名宣
鎮所添一千五百七十名內挑留一千名將此四
千人仍在三處各加訓練使成精銳卽有調遣亦
可敷用應否趁此營房未經建造之時仰請

特遣大臣前往會同該提鎮將所招新兵逐一詳加選
擇其軟弱無用之人卽行開糧歸農其精壯堪用
者於沿邊各口路營堡原額兵少之處將已添者
酌留若干未添者撥增若干務使處處嚴密至於
內地各營亦有兵額不敷防範難周之處俱應查
明分別多寡量爲增補其餘皆可裁汰一轉移間

通省皆得整齊調遣仍無貽誤庶幾均收實用餉
不虛糜仰惟

皇上聖明自有高遠卓識出於尋常萬萬者臣淺陋愚
昧偶有所知據實陳明如或可行容臣會商提鎮
諸臣擢節勻派妥協分晰具題伏候

睿鑒訓示方敢欽遵辦理謹

奏

另有諭旨頒發候示到遵行

雍正十一年六月初六日直隸總督臣李衛謹

奏爲遵

旨覆奏事本月初四日戌刻接到大學士鄂爾泰張廷

玉寄信蒙

皇上以江南副將李漣是否克勝温州總兵之任

詢問及臣遵查得李漣老成勤謹歷練營務誠如

聖諭尚堪擢用但係北方之人未嫻水師若在陸路簡

地總兵似可勝任温州閩浙接壤山海交錯一年

兩次出洋督巡會哨若總兵官於海面船務未諳

則差遣兵弁未免陽奉陰違不能稽核雖現今洋

道寧謐臣實未敢深信其人地相宜此温州鎮員

望心缺恐致猶煩

聖心再四籌酌查有陳倫炯世習水師歷任有年前因
臺灣要地不便移動今思水師總兵原難多得若
閩省欲求一好副將轉移之間諒不至於乏人是
否可用恭候

睿鑒欽定謹

奏

臺灣要地陳倫炯何可移動卿意中既無勝任之人另
旨命浙閩督撫選舉耳

同日又

奏爲愚衷難遏冒昧瀆陳仰祈

大學士覽爾奏

睿鑒事本月初三日接准部文
廷議勇健營兵丁一事臣查此挑汰驕悍不法兵丁
給與路費口糧止於遞回原籍不行治罪其支領
過餉米

恩賞銀兩等項槩不向本人名下是問此誠
聖國家寬大洪恩伊等尚有何辭而不樂從惟是前項
兵丁原係十八省督撫挑送今發回三百二十九
名存留一千二百二十五名則此十八處之各府
州縣皆有其人伊等回家之後彼存留兵丁之父
兄妻子見伊等回來骨肉團聚又未追其領過銀

兩而已之夫男兄弟身既遠離鄉井又因借支備辦出口物件卽奉有

廷議部文將其養贍家口錢糧全行扣除將謂

國家賞罰不公儻或十八省之人紛紛傳論有關

聖主多年政治聲名且此猶就在內家屬而言至留調

軍營之兵丁等聞知發回之人轉得受用而已身

在外家口有此艱難情狀必將志氣墮頽減其勇

往之心定議大臣豈不計及於此無非始終欲實

前言之不謬臣不知其是誠何心又如各省督撫

挑送不慎追賠領過錢糧等項咎實難辭臣於浙

省發回共有五名應賠不過數百餘兩但各省尚有多者卽如直隸一處而論汰回四十四名應追賠數千餘兩已故署督唐執玉雖無功績足錄今現累及子孫固其自取但上年在京勇健到齊時交臣管理操演技藝曾面奏內有軟弱不堪之人請遣大臣挑選去留當蒙

皇上令臣與栢之蕃細加考驗臣等遵

旨逐一考驗分別等第將軟弱老病者共挑出三百三十六名發回各本處內惟湖北湖南廣西三省多皆軟弱不堪毫不知技藝之人臣等以本案原奉

有通行

明旨倘以不應選送之人草率塞責將來考驗之日將該督撫從重議處欽此臣等不敢徇隱回奏時將此三省列爲末等聲明指叅經大臣

廷議止於請

旨飭行伏思除廣西邊省人材本質平常且離總督駐劄遙遠情尚可原若楚人素稱剽健湖北又係督撫同挑卽湖南起送亦必經由武昌爲大臣者豈不寓目而如此藐視玩忽且兩省二百二十人中竟有不堪至九十六名之多較之今番在陝挑回

非因軟弱塞責而貽累子孫者其過孰重孰輕乃
置從重議處之

明旨於不問而但以飭行二字了結又不將支過餉銀
等項議令賠還恐將來封疆大吏遇事漸行躲閃
推諉實有關於風氣人心不淺也臣愚以爲在陝
汰回不法兵丁所得過

皇賞各項銀兩於各督撫罰賠之外仍應於本犯名下
照數勒追賞給本省軍前出兵勇健家口其湖北
湖南督撫及廣西巡撫將軟弱無用之人濫送塞
責虛糜公帑亦應一例追出還項庶持法公平政

令畫一以昭本軌一國豈出數吏私計哉公平如
聖朝蕩平正直之治人心更加悅服矣臣明知此奏結
怨更深於己大有不便然身受

皇上天高地厚之恩至深極重用敢冒昧密陳伏祈

聖明鑒察謹

奏

所論固是然其中亦有差謬之處覽奏知道了

雍正十一年六月十五日直隸總督臣李衛謹

奏爲敬陳地方控制事宜恭請

聖訓指示遵行事竊惟設官分職自應因地制宜更須

隨時籌畫從前直隸地方水利不修民間田廬時多淹浸蒙

皇上念切痼瘵

特命賢王徧歷畿甸相度經營改設河道分爲四局各任督理工程責成旣專宣防得法八年以後河流安軌農工聿興淤墊漸已疏通規畫臻於美善今又特設河臣二員總成於上印河各官趨事於下近日之各河道較前逐漸不同事務稍簡則地方控制事宜似又當因時斟酌而就近兼理者矣查直隸全省州縣一百四十餘處守巡止有霸昌口

北二道霸昌自歸并通永所屬共轄二十六州縣
雖刑名分於四路同知而督緝之責與夫一應錢
糧出入銷算盤查俱由該道管理鞭長不及每致
率漏而口北道又止督催宣化一府錢糧刑名緝
捕等事除張家口同知承審之案其餘俱非經管
他如天津河間南北要衝河海交滙官疲役玩盜
熾民刁保定正定永平地廣人繁旗民雜處邊關
隘口是處險要知府之上均無道員稽督而更有
最切要者順廣大三府爲

畿南重鎮界連晉豫山左舊有之大名道業已裁汰

臣自抵任以來稔知三府廣袤遼遠無大員統轄
久欲尋覓寶印更增數員以資督撫蓋查
奏請復設專道彈壓其間近又准巡察科臣帥念祖
咨札會商衆議僉同請將大名等三府復設一道
駐劄原署照舊管理職掌事務此外自正定直至
天津皆係各河道所轄水利地方已有規模此時
情形與初辦事務繁簡不同可否將巡道責成就
近歸與各員兼管不須另設兩無岐誤一轉移間
於賢王經畫章程毫無更改而通省地方俱得整
頓且使各河道呼應更靈於工程大有裨益臣不

敢冒昧具題是以先行密陳請聖大旨新益引不
旨如蒙寶玉璽畫章跡亭無更如而取資賦式毋得違

俞允再將分派各府州一切事宜另行詳細

題明遵奉辦理再查直隸府州縣佐貳雖多大半皆
係河員不管地方之事卽如在保定府駐劄者除
理事廳外止有總捕同知一員終年出差在署日
少事務繁劇惟餘知府一人實難分身兼辦查從
奉前原有糧馬通判一員改設移駐通州不與郡務
請於保定府復設糧捕通判一員分任督緝差查
等事庶免周章又天津一府係新設地方沿海沿

河疆域遼濶勢難周到原設之糧捕通判近又經
鹽臣鄂禮題請改爲專管鹽務移駐支場雖將捕
務歸併海防河務同知兼理難以遙制應請復設
糧捕通判一員分駐滄州督理迤南各州縣捕務
方無叢脞其餘河間等屬運道一帶地方應酌量
分派沿河丞倅就近兼管稽察臣現於改設巡檢
案內另行分晰核
題不敢繁冗瑣瀆以上事宜均關地方要務是否可
行伏祈

聖明訓示欽遵謹

硃批諭旨

六

十二

李

衛

聖奏賜示燈數蠲免以先行密陳請
直隸地方實屬遼濶河道兼巡併添設道廳之議俱是
具疏題請可也

雍正十一年六月二十九日直隸總督臣李衛謹

奏爲

奏明事竊臣於本月二十日接准兵部咨文內開量

命臣前往會同提督查閱沿邊新添兵丁分別裁存等

因臣卽於本日飛咨提臣路振揚并作札相訂各
起程日期在張家口會齊挑選起由獨石龍門等
處至古北口看竣定議回京具

奏復

命臣出紫荆關直赴張家口又可查看邊關一帶要隘形勢去後原擬二十七日即可動身臣一面將地方要務竝查審事件連日趲辦分別題咨完結乃於二十八日據提督會稿差弁到保問及伊於二十三日來時提督尚未接到臣咨則是爲沿途雨水所阻竟致往回稽遲臣心不勝急躁除一面差回飛催外不論何日覆到臣必定於初三日早行統俟辦理完日面請

聖訓欽遵謹

硃批諭旨

六

十三

李

衛

奏

何須如此急促誠可謂躁矣

雍正十一年八月十六日直隸總督臣李衛謹

奏爲奏

聞地方實在情形事竊臣奉差事竣回京復

命於本月初六初七二日面承

聖訓指示一切卽令回任臣欽遵隨於初八日起程沿

途目擊秋成俱好初十日已抵保定接印受事檢

查案卷據報被水偏災州縣雖共有六十餘處其

中惟迤東之寶坻寧河通州玉田武清及附近運

河之景州吳橋東光天津滄州南皮靜海鹽山慶雲并任縣南和寧津邯鄲魏縣等處較爲稍重其餘間有被淹并低窪村莊處所無多以及水退尚輕之處雖均屬偏災而本戶田禾傷損或房屋衝壞則窮民口食自屬艱難仰荷

皇上如天之仁屢頒

恩旨動支倉庫賑恤署督臣顧琮已經奉行臣又欽遵奏准

諭旨分咨營田觀察使臣顧琮陳儀巡農部臣舒喜派定迤東畿南沿河三路地方分頭前往開賑之處

督率稽查務令小民均霑實惠毋遺毋濫一面速
催勘明分別情形另疏具奏
題各去後所可慶者本年夏間甘雨及時直隸通省
禾苗穀黍原皆倍常暢茂今未曾被水各州縣所
報約畧收成俱自十分九分最少亦有七八分不
等而南府更勝卽間被偏災各屬不但高阜之處
與低窪迥然不同凡平地水所不到者土經久晴
晒透復得伏雨滋潤禾苗茂盛結穗豐實收成倍
於往年是直隸雖有偏災動用倉儲不無繁費若
以全省計之被水者不及十之二三高阜之處收

獲倍多是以米價甚平民情相安尚可母厘
睿懷臣仰體

聖主愛民至意自當盡心竭力隨時調劑斷不敢稍有
粉飾相應據實奏

聞謹

奏

被災戶口既不至於失所而通省秋成又復倍常欣慰
之懷莫可言喻

雍正十一年九月初三日直隸總督臣李衛謹
奏爲恭請

聖鑒事竊惟吏治賢否有關民生臣欽遵

諭訓刻思整頓先將所屬府州縣等官悉心甄別分晰

叅調其各道大員前經具

題請兼巡道職掌更有關乎地方責成敢不逐一察

覈據實奏

王廣益才具原屬平庸因不得勝任之人將就用者
聞查天津河道王廣益人本軟弱過於老實身列方面

在任數年於河工終未諳曉毫無展布若再加以

巡道職任究成虛設又霸昌道戴綸外貌雖似去

亦係碌碌庸員

得而家本素封性好安逸不肯實心勇往且才識
粗疎案件每多率漏自臣到任以來惟詳過燒鍋

奏數件塞責從未見有貪官污吏棍匪等項由該道發覺一事何以表率屬吏整飭地方此二員者因現無營私骫法劣蹟故未卽列彈章然於繁劇監司均難稱職應否改調簡僻之任抑或因其謹守循分以京職備員之處臣未敢冒昧恭候

行卽有旨諭部聖明鑒定施行再如畿南漳河多係民埵舊堤每年夏

秋一遇山水驟發勢大而猛州縣各顧本處未能齊心保護雖有漳河同知一員常至顧此失彼而清河道相去遙遠鞭長莫及是以臣前請以順廣大三郡河工分歸於復設之大名道就近辦理但

恐新任之員未卽熟諳查現任清河道宋韋金雖
非肆應長才然其人誠謹小心於漳河形勢已歷
數年而大名等三府民情與伊原籍河南無異可
否以之調補復設之大名道將全漳河務責成專
爲辦理於地方河工似覺相宜如蒙
俞允其漳河分巡道一缺恭候
簡補抑或在知府中選擇請
旨欽定臣未敢擅便謹具摺陳明伏候
聖鑒謹
奏

覽奏俱悉

雍正十一年九月十三日直隸總督臣李衛謹

奏爲恭報秋禾實在收成分數事竊查直屬地方今年春雨畧稀荷蒙

皇上念切民依虔誠祈禱入夏以來甘霖疊沛遠近霑足秋禾暢茂茲據布政使王謩轉據各道府州將實在收成分數查明具報前來除近河州縣數處低窪村莊間有被水其餘高阜平地處所全省早晚禾稼已獲豐收俱自十分九分以及七八分不等臣謹另單分晰奏

聞外再查近河州縣內凡水所不到之處其收成亦各有九分七八分至經水一過浸泡未久者尚有三四五六分不等所有現在被淹村莊經前署督臣顧琮及臣欽遵查閱具詳前來創設河隴練總

諭旨逐處委員核實賑恤務令窮黎得沾實惠并將被水地畝勘明具報入夏以來甘霖疊沛歲收豐稔題合併聲明伏祈

皇上睿鑒謹

奏

覽收成分數深爲額慶其被水窮黎務令均沾實惠毋

致失所

雍正十一年九月二十日直隸總督臣李衛謹

奏爲奏

聞拏獲飛賊事竊照

畿南一帶素爲巨窩積匪潛藏之數臣留心已久設

法訪緝先於冀深二州束鹿衡水兩縣接壤處所

拏獲窩家積賊首犯謝大歪等七名并餘黨多人

現在分別治罪又臣於先後兩次回任時俱訪聞

有山陝一班飛賊嚮盜潛入境內爲害地方臣隨

卽密飭各屬令其預加防範查拏去後於本月十

殊批諭旨

六

六

李

衛

六日據獻縣知縣明晟稟稱遵卽遍加躡緝近有
從前充發大盜李自洪從陝西逃回帶有劇賊多
人窩在饒陽縣大邵村武生牛四卽牛雲叢家武
藝高強人不敢近外縣差役難以捕獲臣卽密差
新營署守備千總韓景琦挑選技勇之千把外委
傅魁李蒼明等共十人兩路帶領前去設法擒拏
於十九日子時到彼訪知盜等正在窺伺欲刦貢
生冉昌後家去弁當卽掩捕盜等拒敵格鬪多時
幸弁目竭力用命擊落賊械傅魁首先力擒巨盜
李自洪卽李三吳禿子二名其餘分手拏住未得

走脫一人今據差員牛朝棟回報將各犯撥兵嚴
押解省根究夥黨逐一密拏務淨根株以除民害
相應附摺奏

聞謹

奏

剷除積窩密拏劇賊以除地方之害朕實深爲嘉與直
隸盜風從此可望漸熄矣

又密奏鄂爾奇一摺尤屬可嘉苟非深悉朕衷毫不瞻
顧安肯毅然直陳但若從內發擿事屬無因殊與政體
有關且衆口囂囂亦必猜度及卿反不如公然指參名

正言順亦見當代有如是剛方大臣也原摺暫爲留中
俟卿彈章到日簡命果親王等公正王大臣數人察審
真僞何能遁逃從前王士俊叅其妄提人犯等事朕已
嚴加呵責大低伊秉性迂執而又悻復自用較之乃兄
鄂爾泰不啻霄壤之分向日屢曾戒飭甚至加以夏楚
尚未料乖謬至於此極也覽奏獎許之懷筆莫能罄

雍正十一年九月二十二日直隸總督臣李衛謹
奏爲遵

旨覆奏事竊臣接准吏部咨文欽奉

諭旨天津河道霸昌道清河道三缺著詢問李衛若屬

員內有可以題補之人卽行題補如不得人據實回奏欽此欽遵查直隸各道蒙

恩俞允俱兼理巡道職掌望其整頓非比從前專司河務一事如清河道所轄保定正定二府五州道路遼濶責任綦重直屬知府中才具出衆者頗少查有保定府知府彭人瑛居官正氣持重老成在保定府屬歷任已久民情風土頗爲諳悉於清河一缺人地相宜似可勝任其霸昌道員缺所屬州縣皆係官民旗漢雜處非明敏風力不畏嫌怨之員難膺斯任現在直屬員中更少惟見永平府知府

吳士端年富力強人尚明白稍有才情原係玉田
縣知縣近京一帶民情熟諳於霸昌道亦可勉力
供職但臣恐其人周旋世故若論強幹有爲勇往
直前則莫若浙江台州府知府張坦熊更爲勝之
至天津道員缺較清河霸昌所轄地方畧少民情
旣更刁健河務紛繁必得諳曉水利之員方足兼
任臣遍加思維一時實難其人不敵冒昧輕舉可
否將彭人瑛吳士端二員送京引見恭候
恩命

皇上察其人才高下於張坦熊三人之內畧入熟實回

欽定酌用其天津河道或賜呂守會平富衣銀五百
特簡或令南北河臣再舉所知以備採用臣因先行請
旨未敢具本伏候 聖鑒欽遵爲此謹

奏

天津道一缺朕謂張坦熊可以勝任卽以之補授矣彭
人瑛吳士端已照所請諭部其所遺保定永平二缺命
卿遞行題補亦俱有旨矣地方但以得人爲要應陞與
否在所不拘部文到日斟酌妥確仍先摺奏以聞

雍正十一年十月初七日直隸總督臣李衛謹

奏爲請

旨事竊臣前遵

旨覆奏揀選清河霸昌天津各道員缺一摺於本年九

月二十五日奉有

硃批今於九月二十九日又准到吏部咨文臣敢不悉

心秉公詳慎揀選查有正定府同知宋壽圖人頗

明白辦事向前易州知州呂守曾勤謹誠實勇於

任事此二員者俱堪知府之選臣就其人地詳加

斟酌宋壽圖才具已經試驗若用於保定更可就

近隨時教導使其歷練呂守曾年富力强正可於

繁劇之地宣勞出力永平府雖係京東要區亦有
軍需事務然較之宣化則永平事又畧簡現在宣
化知府馬益誠謹老練人畧忠厚可以調補永平
府將呂守曾請補宣化府使之經理軍需彼此人
地更爲相宜其易州員缺臣查有保定府清苑縣
知縣徐德泰才具去得人亦勤敏堪以陞補易州
之任徐德泰所遺員缺頗難其人查有題署新城
縣之試用官張德榮屢差辦公皆能盡心妥協人
亦明白請以張德榮改署清苑縣試看如能稱職
另請實授緣保永宣三府均係

畿輔重地及料理軍需要缺臣不敢擅專爲此遵

旨先行繕摺具

奏恭候

御批到日方敢用本將各員送部引入查存照署謹此

見欽定伏乞

睿鑒訓示欽遵謹

奏

照此題請各員隨本送部引見

路振揚何如人耶密奏以聞

雍正十一年十一月初二日直隸總督臣李衛謹

奏爲恭報瑞雪普徧事竊照直隸各州縣本年秋末
冬初凡高阜之處以及次等窪地悉皆播種冬麥
比舊甚廣滋長發生菁葱徧野本月初一日據大
興宛平等近京十餘州縣報到已於二十七日皆
得瑞雪今保定府一帶係二十九日自午時及夜
以至次早瑞雪續紛近省一二百里地方高下各
有四五六寸之深陸續呈報所及必廣現在天氣
和霽麥苗得此瑞雪滋生之氣融結於根收斂充
實精液飽足冬月凝凍土膏滋潤春來長養倍得
發榮一切風雨遲早皆無足虞卽最窪之地留種

春麥者亦得沾濡普被實來歲豐登之兆可望大有此皆仰邀

皇上福庇至德感孚是以恭逢

萬壽之辰

天降瑞雪之慶臣民共霑歡呼感戴爲此繕摺奏

聞伏祈

睿鑒謹

奏

瑞雪固爲可慶但何庸如此誇張

雍正十一年十一月二十四日直隸總督臣李衛

奏謹

奏爲續報各屬得雪普徧日期事竊照近省地方於
十月二十九日降有瑞雪業經具摺奏

聞今陸續據各州縣申報於十月二十七八九及十一
月初一初二初七初八十五十六等日各得瑞雪
四五六七寸不等而西山一帶往南之處雪深尺
餘仲冬之半已經數次降瑞各處均霑實爲可慶
理合繕摺續報上慰

宸衷再據定州新樂縣知縣劉師健詳稱本年十一月
十三日辰時仰見天朗氣清日抱雙珥左右環拱

彩雲重護五色繽紛自辰至巳經久光明闔城官
吏士民衆目環視咸稱嘉應欽差侍郎陳樹萱經過所見相同等因到臣欽惟

皇上德周天壤靈應畢呈茲當長至節前得覩日抱雙

珥是誠

盛德感召之嘉徵臣仰體八十五十六等日各縣瑞雲
聖意謙冲不言祥瑞未敢具疏慶二十十八次又十一
賀而地方有此庶徵相應一并附摺奏

聞謹

奏

日抱雙珥朕殊不以爲床徵

天恩錫祐冬雪應時是乃眞祥瑞也宜歲宜民可慶可賀

同日又

奏爲奏明河凍阻運設法辦理賑務事竊照直屬蒙恩賑濟偏災一案臣於九月十三日會同查賑部臣舒喜議將通倉七八成色陳米撥運發賑具摺奏請當經奉

旨該部會同倉場議奏欽此續經戶部定議題覆荷蒙聖恩俞允臣於十月二十一日接閱邸鈔先卽飛行飭令各州縣預備妥當船脚赴通等候部文一到卽

硃批諭旨

六

五

李

衛

行開運及至二十七日接有知照部文復飛催星
速趲運奈時已仲冬米至十萬又非數日之間可
以盤量裝載不意適遇連日嚴寒十一月初八九
日北運河水淺易於冰凍有已裝未開有已開未
到雖打冰前進旋即復合且更有未經領出者難
以轉運查濱河應領通倉賑米者共十一州縣除
離通水路遠而陸路較近之寶坻玉田薊州寧河
香河等處水旱腳價不甚相懸尚可用車輛裝運
河間東光二縣需米無多另撥就近倉米應賑外
惟天津所屬之靜海滄州鹽山慶雲等處共應領

奏米三萬四千餘石議由河路運回分別重輕於年前先給三箇月或兩月餘俟來年青黃不接再看情形請

旨今因河凍難運若盡行起旱則陸路腳價所費不貲且恐時日稽遲事關窮民待哺臣心不勝惶急隨與布政司商議已委深州知州俞士恒星夜前往天津會同知府李梅賓將天津北倉零存陳米并預令津軍同知買備米石查明儘數撥用不敷者在於天津沿河等處設法竭力分頭採買務足年前先賑兩月或一箇半月之數就近分發各處接

濟續賑令其到南運河再看水深冰若不厚則敲
凌水運或用托床拉送否則陸路較通倉頗近猶
可節省脚費其買米之銀查有從前減糶截漕米
價一萬餘兩原爲買補備賑之用以之撥動免於
多費帑項其餘米石年前可以畧緩者俟來春查
明應領若干照數續行撥運今據差員回稟已照
依設法趕辦幸而天津等處商賈雲集米價不至
過昂就近購買可得尚不至於貽誤賑務所有河
冰凍阻不得不爲變通辦理緣由據實

奏明仰祈

睿鑒謹

奏

權宜辦理是當之至待哺窮黎得以度此隆冬朕心深
慰仍咨明戶部倉場可也

具荷同日又

奏爲請

旨遵行事竊照直隸大名知府章培基經臣

題叅勒令休致其員缺前蒙

皇上俞准部議令臣於直屬現任同知內揀選正陪送

部引

硃批諭旨

六

三七

李衛

見恭候

欽定臣查直隸現任同知知州內原有正定府同知宋

壽圖易州知州呂守曾等數員猶堪表率之任因

有保定宣化等府緊要缺出經臣將宋壽圖等題

奏送引

見荷蒙

聖恩俱准補用此外雖有保定府清河同知楊灝才具

去得但於大名遠府人地尚未相當查河間府知

府李璵前因原任失察屬員註誤蒙

恩帶所降之級從寬留任該員老成謹慎人亦樸實然

理繁治劇仍少肆應之才河間為南北衝途所轄

州縣多有衝繁疲難之缺兼係河工要地李璵竭

蹶辦理終覺勉強大名府雖係畿南要區尚非刁

疲繁難之處若得誠謹之員亦堪辦理無誤可否

河間

衝繁原與李璵不宜調補大名甚屬允當

請以李璵調補大名府似為入地相宜至河間府

員缺實係緊要清河同知楊灝頗有才情且駐劄

雄縣於河間民情河務甚為熟悉原屬五年俸滿

應陞之員但係知州借補同知現經部議不准論

缺陞

轉自屬常例若為人材起見則又不拘資格即越

級題

補亦復何礙但楊灝本籍定州於河間太近殊有

敢冒昧具

硃批諭旨

六

天

李

衛

未便此缺當另行酌擬具奏

題實緣地方需員謹據實聲明請

旨可否將楊灝送部帶領引

見恭候

聖明察其人才如或去得暫令署理看其果能稱職再

行

題補倘尚未可卽用懇求將河間府缺一并

得行揀選幹員以之補授固不待言矣若以中平才具發來

試用縱勤加訓勵一二載間未必卽能熟諳政務裨益

地方也西路捕盜同知陳奏章因前任清苑縣失察吏員

旨令臣將伊居官如何之處出具考語送部引

見奉有

諭旨交臣以同知以下等官委署試用臣伏讀之下似

朕

日前所降之旨原有同知以下等官字樣同知自亦

在

應補之內況今暫行委署何不可之有

堪驅策可否即以該員委署看其更能奮勵加意

向前再請實授之處臣未敢擅便相應附摺陳明
請

旨伏候

訓示欽遵辦理謹

奏

覽奏

雍正十一年十二月初四日直隸總督臣李衛謹
奏爲請

旨事竊臣前因直屬地方遼濶事務殷繁佐雜差委之
員又於敬籌衝要等事案內添改巡檢等官更需
遴選委用業於本年十月十一日繕疏書陳伏乞
題請懇

恩敕部將候選候補等官揀發佐貳十員雜職二十員
在案但思在部候選佐雜非由考職卽屬捐納多
係初任候補者少必俟到來分派地方始能漸次

熟練臣查京師五城設立各鋪巡檢一項原經吏部都察院衙門挑選請

旨補用者卽蘆溝橋諸處亦有此等巡檢分管今已三年任滿將舊官掣回現在吏部分別等第敘用候補其中俱係佐貳微員歷練有年可否於此中擇其各城開列一二等者歸入臣所請人員數內并給其餘再於候補候選之中揀發則較之初任試用者實於地方事務更有裨益臣愚昧之見未知當否仰祈

聖明睿鑒施行爲此繕摺

奏請謹

奏

俟該部揀選各員帶領引見時酌奪佐雜頗不乏人何必指定此一項耶

雍正十二年正月初二日直隸總督臣李衛謹

奏爲奏報歲朝瑞雪事恭惟

元旦佳辰乃萬彙之始而雪爲五穀之精今保定地

方於雍正十二年正月初一日丑刻起瑞雪續紛

至初二日子時晴霽約有五寸餘深天氣和暖浸

地融化之外尚積三寸新年開泰之初得此瑞雪
愈加滋潤士民歡慶倍常考之占候書云元日雪
百穀豐誠爲嘉兆今逢歲朝瑞雪普降大地均霑
皆由

聖德日新敬

天勤民感格之所致也臣益當凜遵

訓諭倍加寅惕以期仰答

天庥上慰

宸衷理合恭摺奏

聞謹

硃批諭旨

六

三

李

衛

奏

歲朝得雪且廣遠深透實屬稀逢畿輔郡縣之地皆卿
所轄慶喜之懷諒必同然也

雍正十二年正月二十六日直隸總督臣李衛謹
奏爲陳明運河應行事宜以便次第辦理事竊臣於
封印期內前赴德州會勘河道事竣回署緣由業
經具疏

題報應俟山東撫臣岳濬等主稿另行會
奏請

旨遵行外第查運河上游直屬之故城等縣與東省之

德州衛并武城縣地界毗聯係河流東注轉灣之處向未築有隄埝防禦惟憑崖岸高深可以遮護內地設遇水發一時宣洩不及由灣底低薄之處出漕漫溢直趨景州吳橋縣等處此兩省運河交界各地方亦宜乘時一并料理整備臣因會勘之便面與河臣朱藻撫臣岳濬等商酌彼此委員無分疆界通身會同查勘將崖岸低矮殘缺者培築高厚如有一律單薄地方勸諭民間僭築土埝量給食米以工代賑頗屬一舉兩便至直隸山東運河交接各州縣甚多大牙相錯或以河底轉灣斜

角爲界彼此錯綜混淆遇有命盜及沿河浮屍等
案互相推諉經歲不結亦應乘便將從前經界參
差之處勘定立牌竝將零星交錯之所撥換劃清
各專責成方無岐誤又直境運河地勢蜿蜒輾轉
環曲原因當年漳河之水不藉運道出海以爲停
蓄濟運防其驟洩淺塞之故但自導引全漳之水
歸運出海之後源頭勢猛多有漫溢之患一遇河
身曲折東衝西蕩難免潰決民田似又當因時度
勢擇河流激湍對頭大灣過甚難轉之處開通阻
礙旣與兩岸田廬險工有益而水行地中亦於漕

運無誤矣以上三條均關運道民生臣雖與諸臣
奏明不敢冒昧輕舉緣時屆春融又未便久遲貽誤
東作伏汎爲此繕摺請王下
旨恭候
聖訓遵行謹

奏

所陳三條內惟開通大灣一說似不合宜不但徒費工
力無益且恐河身改直之後勢猛流急更易潰決也餘
照議施行

硃批諭旨

六

三

李衛

宋世餘言 六
雍正十二年二月二十日直隸總督臣李衛謹

奏爲恭報春雨及時早霈事竊照歲內三冬令節俱
得瑞雪普徧二麥均霑滋潤目下時屆春和土膏
奏旣動東作將興春霖殊不易得今本月望日以前
望晴已經連獲微雨復於十九日自午至亥甘雨綿密
高下均霑所及必遠臣隨遣人四鄉查看田疇直
透濕土麥苗菁葱滋長正可播種秋禾農民鼓舞
老幼歡呼無不感戴
皇仁二十日早不風而晴日色和暖節氣調勻實爲今
歲嘉祥之兆誠所謂堯天舜日見於此時臣等躬

逢

盛世曷勝慶幸俟各屬報到得雨情形再爲彙

奏外所有現在沾足緣由理合具摺奏

聞仰祈

睿鑒謹

奏

雨澤接續而來春麥秋禾兼資長養畿輔農民有賴矣
我君臣真堪共慶

同日又

奏爲奏

硃批諭旨

六

三

李

衛

聞事竊照直屬

畿輔重地山海交錯弭盜最爲先務而賊蹤之出沒詭祕實非常法所能勾緝臣自上年八月間旋署選差弁兵捕役擒獲拒捕嚮盜李自洪等十數名具摺奏

聞之後究出夥窩強竊盜賊各姓名住址外省本地百有餘人或聞風潛匿或遁回原籍或結夥遊走爲匪隨陸續分頭設法躡緝并密咨鄰省協捕已得十之六七其餘未獲者仍然分路差緝從此根究窮追地方盜風或可望其衰息惟京東一帶強竊

盜窩賊匪數案訪察至今尚未得悉其頭緒蹤跡
容臣漸次設法探實來歷加意查拏斷不肯聽若
輩漏網肆害地方有負職守謹將現經獲盜辦理

緣由先行

弭盜有方朕素所嘉許

奏明再西面沿邊口內地方衆山環繞每年於交冬

後虎豹出入傷害人畜而紫荆龍泉關等處更甚
所在兵民莫敢撓鋒卽偶有獵戶亦不能深入搜
捕臣上年巡歷邊境訪問百姓頗以爲苦因思虎
患有關民命當卽揀選弁目鎗手前往山內巡捕
旣可稽查地方匪類亦得練習兵丁步力膽氣順

便協同教授各營自冬及春弁兵均知勇往陸續
共打獲猛虎十一隻金錢豹二隻分別獎賞人人
鼓勵毫無懼色此事雖屬細微緣差兵捕虎爲民
除害恐有謂臣性好遊獵騷擾多事轉有未便爲
此一并附摺奏

聞謹

奏

捕虎之法莫善於犁刀藥弩等類舊有成式但須曉諭
過往人民毋致誤陷機穽爲要耳

雍正十二年四月二十日直隸總督臣李衛謹

奏爲恭報二麥情形伏祈

睿鑒事竊照直隸各屬地方仰賴

聖主福庇於上年冬間今歲春月連得瑞雪時雨前後

霑足現在二麥發秀暢茂秋禾播種生長惟是正
定以北數日以來地方土性稍乾幸無甚風沙雖
於收麥不礙然察訪農民秋苗望雨甚殷若在本
月之內得霈甘霖則二麥更可結實現在擇吉設
壇虔禱但臣從前在京曾經面奉

諭旨如遇地方雨暘陰晴必該隨時

上聞今覺微旱理合早爲恭摺陳明伏祈

聖明睿鑒謹

奏

爲此正爾殷憂若以去冬今春雨雪調順之兆揆之似
不應有目下景象或朕與卿其間有過舉歟何遽然示
斯轉變也當各返躬竭誠痛加修省以待其期
上天之鑒照耳

同日又

聖奏爲遵

旨查議事本年三月初一日准理藩院咨開據喀爾沁
奏札薩克多羅杜楞郡王和碩額駙伊達木札布等

呈稱准大部來文據直隸總督李衛咨稱八溝新
放同知應於買賣街市之東北蓋造衙門由院行
知本應遵行但濟伯格街西地方高埠平坦街東
窄狹又值山水下流總督李衛原已悉知強勒我
等蒙古欲占地方況西邊明有可以蓋造派官查
看便知我等內地札薩克惟賴地畝養生如再於
街東莊稼地方修蓋衙門度日必致艱難伏祈大
部

奏請停止等因摺奏奉

旨王伊達木札布所奏是李衛欲占蒙古地方建立同

知衙署不是了爾部咨查李衛再行議奏欽此欽遵

臣跪讀

諭旨不勝感激悚惶伏查八溝設立同知建造衙署一案先經都統拉錫以熱河八溝至喀爾奇河居住民五十餘萬耕種喀爾沁地畝之民亦有數萬聚集衆多雖有理藩院章京人員不能管轄

奏請州縣分管緣由荷蒙

特交議政王大臣會同喀爾沁王札薩克等詳議具奏
隨議定八溝附近三處喀爾沁地方設立同知查
管民人緝拏盜匪等事其衙署關係重大應派大

皇_上臣前往查辦等因覆奏奉_聖旨欽遵在案此八溝設立同知衙署原係喀爾沁王會
同議定之案旋奉_聖旨欽差內閣學士塞爾赫勘明八溝地方街西屬於通判
街東屬於喀爾沁有犯法者越境卽不能擒治同
知原爲管理蒙古地方民人應建衙署於街東以
資彈壓因係喀爾沁王所屬之地應咨理藩院知
照并移_臣會核具

題經部議覆准其建於街東之北應令理藩院行知
喀爾沁王亦在案是八溝之新設同知衙署旣經

喀爾沁王會議於先後擇地建造復經內閣學士
塞爾赫查勘明確工部議定知照歷歷檔案可據
竝非臣自立意見強勒蒙古況喀爾沁租種之地
盈千纍萬衙署所需不過十數畝亦何致占其莊
稼地方必至度日艱難細查其故緣街東原有買
賣雜稅誠恐同知在彼駐劄之後將來設或爭管
其稅因而聽信人言愆戾所致殊不思
聖恩高厚愛養蒙古旣周且渥卽承辦此事者自當仰
皇仁亦斷不屑奪取微利有失政體除八溝街西之稅

仍照舊例令通判徵解外所有街東之稅應聽喀爾沁王自爲派人抽收至同知衙署街西非無可以蓋造之地但已有通判分駐管理旗下莊頭民人街東係蒙古地方所設同知原爲佃種蒙古地畝民人衆多起見且聚集日漸繁衍皆係北五省不守本分之人流移在彼姦盜詐僞無所不至必得所設同知駐劄彈壓化導冀改積習若以管理街東蒙古地方之官改駐於街西旗下莊頭不轄之地間隔錯雜辦理未便將來諸事恐有掣肘難以管轄不得不據實陳明其同知衙署可否仍照

內閣學士塞爾赫勘定街東之北建造抑或改於
街西興造之處臣未敢擅專恭請聖訓指示欽遵除照依咨明理藩院聽候議覆外所有
前後案據來歷辦理始末情由理合繕摺

奏明伏乞

皇上睿鑒謹

奏

所奏甚詳朕已備悉喀爾沁王伊達木查布現在病中
未免念慮恍惚但憫伊久困牀蓐姑宜曲從所請以慰
其心俟該院議覆時斟酌有旨

同日又嚴於此科並雖未見首出發覺問口陳會
奏爲據實奏

聞事竊查直隸旗民雜處約束稽查有司難於周到荷

蒙

特設旗莊官分路辦理若能實心任事甚爲有益定例
任滿一年更換時分別保題叅奏臣既有考核之
責自應平時留心察訪而京南西路旗莊官清海
係原任兵部堂主事齊暎之子伊父生前與臣同
一衙門辦事久知清海少年放蕩招搖生事是以
上年到任管理旗莊之初臣卽面加嚴切開導勉

硃批諭旨

六

四

李

衛

勵看其舉動尚似知悔前非光景漸則故智復萌
恣意放縱聲名狼藉聞本年二月內清海驪知滿
城縣留馬村旗人范允善掘窋私燒差役查拏起
獲鍋甌范允善情極央懇差役回以非到黃村高
玉立家不能完結隨赴彼懇求許銀二百兩交收
免究不報又民人張雲鳳因伊子二存兒過繼旗
下高昇爲嗣欲報入旗冊具控前任旗莊官發縣
審斷歸宗結案清海探知高昇家道殷實借端駁
查嚇詐銀數百兩亦係高玉立竝劉九甫與撥什
庫屈伸過付此件臣雖未見首出發覺聞已約會

赴京具控又清海與完縣居住旗宦原任副將趙士儀聯宗立票借銀一百兩不允遂給與執照勒充旗下鄉長士儀聲言赴省告發方將執照當面扯碎徧處索詐毫無顧忌第思清海蒙

恩擢用不知感激報效輒敢遇事婪贓實爲下愚不移本應卽爲露章入

告臣因事關受賄必得究明證見使其無可狡賴是以密令各地方官就近再加核實俟覆到彙疏一并叅究再有京西路旗莊官飛揚古衙門書役張弘瑞等通同地棍包攬私燒索詐涑水縣民人楊七

廣等四家共得銀三十二兩雖據飛揚古自知難
掩人口具文首報而張弘瑞等堅供係飛揚古查
追此銀必令交齊送署因彼處私燒尚多交銀無
幾所以押發呈報其果否通同徇縱網利分肥之
處已據呈批發臬司審明再爲酌定又聞得京北
東路旗莊官拉漢泰聲名穢鄙亦屬不好但尚未
得其的實容逐一細察分別叅處外理合先行據
實密

奏再目下直屬奉有部行清查各項入官地畝其中
多年錮弊頭緒紛繁實非旦夕可以徹底完結者

現在酌議委員會同各路旗莊官秉公清釐必得
賢員實心查辦方爲有益而現在旗莊各官更爲
緊要此清海等三員卽間有輕重之分亦均不能
信托斯任以期辦理妥協者也合并附摺陳明伏
候

聖鑒謹

奏

此奏嘉是覽之查明實據嚴行究叅以懲無恥玷職之
輩已有旨命該旗另揀賢員更替清海等三人矣

雍正十二年四月二十八日直隸總督臣李衛謹

硃批諭旨

六

聖

李衛

奏爲恭謝

天恩事竊臣於四月二十二日齎摺弁員捧回

皇上特賜到臣蘇合寶香一盒

御園櫻桃一簍隨卽出郊跪迎至署恭設香案望

闕叩頭謝

恩祇受伏睹奇香殊質已叨溢格之榮而櫻桃鮮品

賜食外臣更爲難逢臣何人斯而獨膺此

曠典且跪讀

硃批開誠訓示感深肺腑不禁涕零臣撫心自問愚魯

粗疎無一事不上邀

睿照無一時不仰荷
優容而一物之美一味之甘復蒙
垂念下頒戴高履厚之
恩實有口莫能宣而言莫能罄者惟有永矢丹誠始終
奮勉稍盡職分於萬一而已理合恭摺

奏謝伏乞

聖鑒謹

奏

覽奏謝矣近日每有人在朕前進萋菲之言大抵皆謂
卿任性使氣動輒矢口肆詈云云謹言之戒朕屢經諄

訓不啻再三丈夫立身行己於此等小節不能操持尚何進德修業之可期向後當竭力悛改時自檢點勤加從容涵養之功漸融粗猛傲慢之習則謗毀不弭自消矣惟口出好興戎可不慎諸

奏同日又

奏爲請酌定戰船更換篷索事竊查天津水師營船需用篷索從前議定一年一換原爲北方風土高燥易於損壞立法未嘗不善臣思直隸雖與東南地方不同繩索用過一年磨擦朽爛自不能免若風篷一項係竹篾編成尚屬堅緻綿密商民船上

零星修補有用至三四年不弊者全在看守戰船之人加意愛惜照管苦蓋隨時曬晾卽稍有破損均可修整應用況物料匠工產自南方每年差員遠涉購辦往返頻煩且通計風篷三十二副更換一次正價津貼連賠墊腳費盤攪等項約用銀二千餘兩今請嗣後天津戰船除繩索仍照舊例按年添換配用外所需風篷定爲隔年一換其停換之歲應用小修物料卽令隔年更換赴南採買風篷便員酌量帶回收存將用過銀兩統入次年更換工料內一併分晰造冊報銷如此間年一換一

修戰船之駕駛既得無誤而錢糧亦免致糜費是

否可行伏乞

聖明訓示以便具本

題明爲此繕摺請

旨謹

奏

所請甚是具疏題來可謂無微不至心力朕實嘉卿之
勤而憐卿之勞也聞保安衛莊頭霸佔民地該州瞻徇情面聽斷不公致
令小民負屈等語留心嚴加察處且聞州牧居官亦甚

屬平庸果若然當卽行叅劾以警不職

雍正十二年五月初七日直隸總督臣李衛謹

奏爲

聖澤至深極重微臣承荷難勝恭摺

奏謝

天恩事本年五月初二日臣標把總自京齎捧

皇上批回原奏摺匣

欽賜臣香囊寶丹到署隨恭設香案望

闕叩頭祇領

恩賞跪讀

硃批諭旨

六

五

李

衛

聖訓感激悚惶一時汗流浹背不知此身此世何以得
聖明鑒照矜全至於如此之周也伏念臣本質愚戇心
皇上直口快卽屬官中從無一語輕於肆言何況他人
天恩惟嫉惡過嚴凡遇公事卽覲面相對不肯依違曲
奏從或遇有心鈎探藉以進身之人但能隱而勿答
聖訓若問之不已則於是非二字從未慣粉飾虛詞言
奏不由中再加添出枝節駕辭聳動結恨益深此實
臣一生招尤取禍之大病久蒙
皇上洞鑒屢賜

教誨臣朝夕服膺不敢暫忘今忌臣者同心附和卽以此漸入其罪且彼此聲援多設巧法排擠冀以傾陷若非仰邀

聖主日月照臨之明天地覆載之恩開誠

指示諄切儆戒臣被獲重愆而不知所由來惟有循誦御批一字一淚務期竭力改革以仰副

聖訓於萬分之一耳再臣忝在地方戰船風篷分宜慎

重復蒙

天語矜憐臣心更切惶愧現在酌核另

題所有微臣欽領

硃批諭旨

六

吳

李

衛

恩賞多珍合家頂感竝凜遵

聖訓緣由理合恭摺

奏謝伏祈

慈鑒謹

奏

覽奏謝知道了前摺所諭卿矢口詈人之處據云從無其事或出於有心鉤探駕辭傳布若然第一須防鼓弄唇吻之輩譬如有人來告某某退有惡言於此卽當逆察其情是來也果出於真誠耶抑或激我之怒竊記我語復以播揚於人耶審思而明辨之庶免墮其術中倘

一被所愚窺伺者接踵而至朱紫混淆涇渭莫分矣古
人有言止謗莫若自修必也毀譽不動於中喜怒不形
於色能具此等襟懷方得受用否則滿腔冰炭苦曷可
言哉

同日又

奏爲覆奏事竊臣於五月初二日蒙

皇上發回奏事摺內欽奉

硃批諭旨聞保安衡莊頭霸占民地該州瞻徇情面聽
斷不公致令小民負屈等語留心嚴加察處且聞州
牧居官亦甚屬平庸果若然當卽行叅劾以警不職

硃批諭旨

六

七

李

衛

欽此仰見

聖明推誠委任敢不秉公詳察辦理隨檢查案卷有莊
頭衡任與惠普爭控民地一案乃上年九月戶部
提去審供不一復發出行臣衙門轉查者但其事
人地俱在西寧萬全非屬保安又係蔚州知州李
培仁西寧知縣常三書會審近經臣批駁未曾結
案現任保安州知州羅梓從未經承審似與此案
無涉惟再查上年六月內又有戶部准內務府莊
頭金復憲控告民人徐惠等霸占官地移咨到臣
轉行飭審一件則係保安州之事細查金復憲係

已正法莊頭金復暉之弟卽衡有爵之孫故稱爲
衡莊頭雍正三年金復暉在日與徐惠等赴戶部
許訟行提兩造進京訊審將淤地全行斷歸金復
暉至雍正五年徐惠等復於巡察御史苗壽陶正
中處控告批州提審而金復暉始稱所管淤灘內
原有餘地情願退還具呈前任保安州趙荃詳覆
巡察御史批准給還徐惠等管業今伊弟金復憲
又不守本分赴戶部復控行查現任知州羅梓於
本年四月內前往查丈東西兩頭俱已勘定無有
爭執惟當日原退四至內稱南從清水渠向北八

十步等語因此渠係弓背樣式在官則以靠河邊
往北俱應丈還八十步在民欲東西居中取直再
向北八十步則所剩月牙之地又可多得是以未
肯出具遵依該州尚未具詳定界但臣查此案羅
梓於本年三月間詳覆藩司文內卽稱從前莊頭
占有民地不問可知竝非徐惠等霸占官地已屬
顯然等語則亦將此地斷歸民人其無瞻徇明矣
至該州羅梓雖無長才聲名中等人尚老成操守
謹飭近緣霸州員缺營田水利緊要一時不得相
宜之人據布按二司保詳於四月二十二日將羅

奏梓簡工參與五似蘇之執去煇早蘇答郊頌存入
題請調補現在恭候

欽定若經引

見是否劣員

聖明自必洞照無遺伏讀

諭旨果若然卽行叅劾以警不職是

聖明原令查實而行何敢因已曾

題調霸州稍有回護瞻徇合將其中情節據實先行

覆

奏伏祈

硃批諭旨

六

晃

李

衛

睿鑒謹

奏

前摺批諭甚明此事原係偶爾風聞非有深知灼見也
第秉公爲之

雍正十二年五月十五日直隸總督臣李衛謹

奏爲恭報得雨日期收麥情形事竊照直屬入夏以

來自正定府之北稍覺亢旱民間望雨五月初旬

各處雖報有得過一二寸者因未獲霑足不敢頻

爲瀆

甚是

奏目前二麥現在刈穫之時去秋早種者收成有八

九分今春晚種者收成畧次而正定以南歷來多
係冬麥且曾偏得春雨所收更稔至於秋禾今尚
未覺大旱然亦待雨正殷臣等遵

旨竭誠修省屢次虔禱自五月十四日丑時聞有雷響
漸霈甘雨臣隨起視時住時降共有十餘陣直至
辰末方止踏勘郊外四野雖僅有三寸入土而禾
苗蔬菜百物悉得滋潤起麥之後更可播種豆黍
今經雷雨之後地氣已舒風沙頓息現在濃雲復
布看來尚有接續之象若得再霈甘霖更爲有益
其各屬路遠之處容俟報到再爲彙

奏外臣仰體敷之盛容矧時再霽

天心念切民瘼時厯豐之集若再霽甘霖更爲益
聖懷合先具摺恭報伏乞

睿鑒謹蔬菜百粍悉具開張麥之對更何辭蔬豆黍

奏

目今雨暘情形覽奏已悉
賜來悅心集一部係向所選集近始刻成者公務餘暇
時一展對頗可悅目清心朕及卿輩繙閱此書大似山
僧野客觀覽朝報而談時政殊爲越分妄想每未思之
不禁失笑

賜示同日又

旨奏爲請

旨事竊照宣化府東路同知谷確奉

旨陞授口北道所遺員缺著臣揀選題補遵與藩臬二
司悉心詳慎選擇惟是宣化地處邊陲同知分駐
新保安緝捕彈壓責任亦重且常有差委口外事
件必得強幹有爲善於乘騎之人方克勝任現在
直隸補行

大計案內雖有卓異知縣四員候

旨欽遵但各官原籍俱係南方騎馬不甚便捷茲見各

省卓異官內有仁和縣知縣董怡曾已經引見各
見奉

旨允准回任候陞本省旣未指名請留備用將來陞轉
別處總須離浙查該員係河南舉人性情直爽任
事誠實且嫻於乘騎與宣化府東路同知之缺甚

屬相宜可否

賞補抑或准

臣

指名

員

始著

引

見

奉

旨題請未敢擅專合先具摺請

奉

旨

伏

候

訓

示遵行謹

訓示遵行謹

奏

覽奏已悉候另旨諭部

同日又刺吏等六員前赴各該查照口凡舊
奏爲據實奏

聞事竊查熱河等處地居口外疆界遼濶旗漢蒙古雜
處添設知州等官正欲其稽查匪類安緝兵民始
於地方有益乃新設承德州知州裘君崧自陞補
以來器小易盈諸事放縱初因其尚有微才屢加
申飭冀得改悔不意日漸恣肆任意妄行倍勒火
耗焚賊縱盜不一而足又與熱河總管巴什結聯

甚密因巴什係熱河大員該州冀其隱蔽惡端并
望可以徼倖保薦遂曲意逢迎諸事稟明方行卑
污屈節中途相遇竟在當街以一足屈膝請安全
無五品民牧之體而巴什則以知州有管理地方
權柄怒者可以囑其扑責洩忿喜者可以向其說
情得錢擅作威福亦遂引爲心腹至巴什雖與臣
不相統攝但於便中訪其行爲於上年八月內曾
委千總陳弘亮等六員前往各莊查點戶口凡舊
莊頭七十七名每名勒費銀十二兩新莊頭五十
三名每名勒費銀二十四兩共得銀二千餘兩聲

名甚爲狼籍除將知州裘君崧劣蹟詳細列款具
本題參外其與巴什結聯朋比情由未便入疏但既有
所聞亦不敢避怨隱諱相應據實附摺奏

聞伏祈

聖明再加訪察乾斷施行謹

奏

裘君崧婪贓縱盜理應嚴行叅黜至於巴什原係糊塗
寡識之人與地方官聯結擅作威福容或有之若謂營
私納賄尚恐未然或因其於熱河一切處過爲嚴刻小

人懷怨從而誣捏之辭亦未可定當再加詳細體訪具
奏以聞

雍正十二年五月二十四日直隸總督臣李衛謹
奏爲奏

聞事竊照本月十四日得雨情形業經臣於十五日早
具摺恭

奏彼時卽見濃雲四布本日以及十六復接連雷雨
數次隨據順天保定河間天津及深定易等各府
州所屬陸續報到於此三日之內得雨者已有六
十餘州縣查入地皆深三四五六寸不等看來各

處高下多有霑透濕土可以播種豆黍目今糧食
價值俱減麵亦甚賤若於十數日內再得甘霖接
濟則徧植晚禾更爲有益惟順德府屬之平鄉任
縣趙州屬之隆平縣冀州屬之衡水縣報有零星
蝗蝻生發皆稱每處止有二三村莊撲滅將盡臣
恐尚有不實不淨并隣近曾否蔓延當卽飛行各
該文武嚴飭會同上緊撲捕委員督率查勘毋使
稍留餘孽去後續據大名道府稟稱元城縣與山
東冠縣館陶接界之處亦報有蝻子隨即委令通
判等官星往會勘乃係草內所出土螞蟥尚非蝗

蝻一種現在捕滅臣復令藩司委員分頭再加確
勘倘各處稍有懈弛捏飾推諉等弊卽當據實分
別叅究斷不敢代爲隱諱貽誤地方也事關民瘼
合先具摺奏會同土梁對辦委員督率查辦毋
聞謹

奏
續經得雨露透糧價俱減深慰朕懷蝗蝻一事料卿自
必督率屬員竭力撲滅不需朕之訓飭也

同日又
奏爲恭謝

天恩疊沛事本年五月十七日臣標把總自京齎捧

硃批奏匣

欽賜臣悅心集全部到保隨郊迎至署望

闕叩頭謝

恩祇領竊臣荷蒙

殊恩特賜祕笈跪讀

硃批敬繹

聖序仰見

皇上龍潛藩邸隨境而安澹泊寧靜久留

睿思平時紀錄猶勤

硃批諭旨

六

五五

李

衛

御覽於邇言淺近之中闡遠大高深之蘊靜則本體虛
皇土靈含太和之元氣動而因物感應皆天理之流行
聖心不思而得無爲而成

聖學淵源包羅萬有伏讀集中如黃洽之矢不欺林逋
之戒沽名邵雍之勉爲善司馬光之勸知足皆古
來名臣大儒以忠君愛國之心抒樂天知命之致
其他單詞片語無非祛妄止貪不同晉人清談惟
誇曠懷逸志實爲覺世名言修身至寶
皇上以之涵養

聖心卽以之本平五民十十日引對味縣自京齋林

教訓臣下使氣質化於和平性情歸於恬淡如臣粗浮
更同針砭豈惟悅耳清心叅詳醒悟實在鏤肝刻
骨體驗祇循以期稍得萬分之一耳理合具摺恭
謝

天恩臣臨奏曷勝感戴瞻依之至謹
奏

覽奏謝之辭極有解悟若能如是領會將來與體究本
分處甚屬捷近

雍正十二年六月初三日直隸總督臣李衛謹
奏爲奏

聞近日雨澤情形事竊臣於六月初二日據各屬俱將
五月二十九日得雨情形接連具報內良鄉縣密
邇都城已報霑足則在京定得甘霖可知其附近
保定各處大小不等如容城廣昌俱有五六寸易
州新安則皆四五寸其涿州房山定興安肅衡水
保定縣霸州雄縣亦各二三寸此外尚有未經報
到者臣委員各處不時查看俟續有時雨普徧另
報外至前奏平鄉等五州縣偶生蝻子臣委員星
飭撲捕已據平鄉任縣隆平冀州衡水俱報撲淨
至衡水等縣交界之深州寧晉續報草地間生蝻

種該處文武業經竭力會捕具有消除印結呈送

其山東之臨清德州竝衛地亦有蝻子生發臣與
於卿前奏到日適閱東撫岳濬奏摺即經批諭令其督
查會捕今復接卿咨移自必協力同心共襄此役也
東省督撫二臣彼此飛咨知會各飭文武無分疆
界設法協捕可望消除合併附摺陳明上慰

聖懷謹

奏

覽

同日又

奏為恭報二麥實在收成分數事竊照直隸二麥收
成分數經臣確查去後茲據各道府州陸續呈報

前來臣查直屬地方凡去年早種之秋麥今歲收穫實有八九十分惟遲種之春麥分數畧減但種麥盛於往年又皆秋麥爲多故牽算分數比舊爲豐順天府屬實有八分七分并京東五六分不等保定府屬實有十分九分并六七八分及五分不等永平府屬實有九分并七分不等河間府屬實有十分九分并六七八分不等正定府屬實有十分九分并六七八分及五分不等順德府屬實有九分八分并五六七分不等廣平府屬實有十分九分并六七八分及五分不等大名府屬實有十

分九分及七八分不等天津府屬實有八分七分
并六分不等冀趙深定四州屬實有十分九分并
六七八分不等易州所屬實在收成均勻足有八
分宣化府屬地氣稍寒收穫較遲至今尚未報到
現在催取另行覆

奏外所有已據各屬申報二麥實在收成分數臣謹
恭摺奏

聞謹

奏

今歲麥收猶得如是分數朕心甚慰但目前雨水尚屬

多寡不均爲可慮耳

奏雍正十二年六月初十日直隸總督臣李衛謹

聞奏爲瀝陳實情仰祈

睿鑒事竊臣於本月初九日准戶部咨初八日

奏准提解鹽案內朱大雅等三名臣隨令臬司委官
管押赴部投交外但此三人從前行提訊供緣由
有不得不直陳於

聖主之前者查朱大雅原係王惠民心腹密交而朱眷
西黃快亭則係惠民承值衙門奔走夥計臣初因
張愷唆聳梁樟挾制王惠民行私侵課之弊聚衆

打架攘奪引地惠民見已敗露徧處營求央人代
奏借以資本交出官辦爲名而將百十萬私鹽帑銀
影射掩飾臣身在地方既有所聞恐被脫漏是以
前次附摺陳及大槩彼時尚不知投定何處聲明
再爲詳細奏

聞續於四月初二日據梁樟遣子抱呈在臣衙門具控
內有王惠民二月內賄囑鹽政竟蒙摺奏豪商朱
大雅可審等語詞內指辨之詞似乎見過底稿非
係揣摩影響且公然開入告詞臣不勝駭愕伏思
梁樟一介小人鹽政曾否代爲摺奏伊何由而知

若係霹空假捏其罪尚輕否則負販棍徒竟能探聽密摺消息所關匪細是以摘調朱大雅等三名面訊其中緣由後准戶部咨提人卷進京察審隨將梁樟原呈一幷送部此內方有朱大雅之名竝非原案正犯也朱大雅等於到保時臣止一人密問虛實竝無衙役刑具在傍而伊老姦巨猾轉將上年春夏二次鹽院先後令向王惠民要去現銀五千兩係大雅傳諭朱眷西交送堂上周管家收進之處俱各隔別供認鑿鑿詰問其如何甘心冒險代爲隱瞞百萬帑課轉

奏之故則稱王惠民因張愷梁樟等爭奪氣惱成病
著人叫他兒子王至德於正月十六日到天津父
子商量要進地方是王至德自己進去求鹽院的
如何面說不會知道等語臣以此案續蒙

皇上交戶部王大臣察審自能秉公是以止將朱大雅
等三人暫留靜候部審如果課餉不至朦蔽再爲
奏明完結乃於五月二十九日忽接戶部行題朱大
雅等之文惟開案內有人供出竝未指明提質某
事此臣所以咨部請將何等情節應質之處開示
卽當訊取確供送部斷不遲誤正案去後今戶部

止將送部原案內開有豪商朱大雅可審字樣具
奏請提而原呈此句之上尚有賄囑鹽政竟蒙摺奏
等語截去不入原案在部可據而梁彭年初則親
身告狀開朱大雅爲審證之人今則變爲主使借
名誑騙預埋送銀不足爲憑出脫地步其意顯然
可知

聖明在上纖微必照將來朱大雅等到部訊斷公私自
畢露於

日月之照臨也

臣撫躬自顧若非恭逢

聖主則半年以來一身不知作何底止今明知又有此

奏結怨更多但實不忍聽其朋比隱瞞恣行於

光天化日之下謹將京東八處作弊營私緣由另繕清

單

進呈

御覽仰懇

聖主將此件密爲

留中俟定案時查對情節是否相符俯賜

乾斷但期於

國家公事有益臣之身家俱不敢計及也臨奏曷勝

戰慄悚懼之至謹

硃批諭旨

六

全

李衛

奏

所奏朕殊不以爲然因此案從前在保審理甚不妥確
是以特旨交果親王提內訊鞫該王居心虛公非汝輩
大臣所能企及審明自有定論朕於一切事務從不以
先入之言爲準若離是是非非之外別有是非天下無
此情理豈汝輩凡夫俗子妄以人我心揣摩而可窺見
者

雍正十二年六月二十七日直隸總督臣李衛謹

奏爲奏

聞甘雨及時復霈事竊臣於六月初十日將近京各屬

所得透雨日期具奏并聲明畿南四府俟稟到另
報續於十一十二等日連朝有雨數百里內高下
無不十分透足西北各府及京東等處所報雨澤
日期亦各大槩相同卽畿南正順廣大四府屬各
稟稱六月初九初十之雨四處均霑十一十二十
六十七等日亦續有時雨節次所降有至一尺及
七八寸不等者均可播種惟正定屬之井陘獲鹿
二縣雨未透足今保定省城於二十五日夜子時
起靈雨繽紛至二十六日巳未暫住陰雲尚濃看
其漸漬稠密之狀所及必遠臣親歷郊外目見大

田早禾茂盛非常行將秀實晚禾嫩綠得此甘霖
更覺潤澤勃然興發穎粟可期總緣

皇上躬親祈禱誠敬格

天是以先從京師次及保定由近而遠以至各府均得霑
被此其明驗億兆蒼生皆仰邀

聖主之福庇也爲此謹

奏

宣郡一帶地方缺雨何未言及然此非彼處文武大員
所奏乃出自過往行人傳說之口總之今歲雨澤不均
卽京城左近目下亦尚覺乾旱

同日又

奏爲覆奏事竊臣前因平鄉等七州縣偶有蝻子生
發附摺奏報荷蒙

聖訓設法撲捕當卽遴遣標員并同知通判等官分頭
前往督同地方文武上緊掃撲旋據先後回覆皆
已淨盡出結申送惟山東交界之直隸清河縣地
方并獻縣隆平三處尚有數村莊蝻種續生者緣
係初長未成現在撲捕不日卽可盡除至六月初
四日宣化府屬之宣化縣保安州蔚州蔚縣懷安
等五州縣於雨內帶有冰雹經過村莊間有十里

數里之寬幸二麥已收高糧早穀根本堅固稍去
其葉可以發生尚無甚損惟豆子畧有打傷亦可
補種晚禾又廣平府屬之永年縣於六月初六日
陡起大風數刻吹坍府學之櫺星門及城垛數處
民間草土舊房亦有倒塌者以上各處些須偏災
雖然無多臣卽委員飛馳前往勘查將被傷豆地
借給籽種工本催令及時補植倒塌房屋之家分
別輕重給銀撫恤并量動社倉穀石借給資助不
令稍有耽誤時日外爲此一并附摺奏

聞伏祈

聖鑒謹奏

奏

據奏永年縣大風乃俗所謂羊角風無足怪者但時值盛夏爲不合耳

雍正十二年七月初四日直隸總督臣李衛謹

奏爲覆奏雨澤情形事竊臣跪讀

皇上發回前奏報雨摺內欽奉

硃批宣郡一帶地方缺雨何未言及欽此仰見

聖主時刻以天下民生農事上廛

宸衷伏查宣化府屬各州縣據報內有五月中得雨六

硃批諭旨

六

奏

李

衛

宣東次六月內得雨七次者其間大小多寡不同尚未
聖主見缺少惟附府之宣化縣及張家口之萬全縣二
處較別屬雨未透足續於六月二十三日得雨一

皇上陣而臣二十七日摺奏之時未據報到是以未曾

奏聲說今二十五六七等三日之雨所及頗廣各處

透足獨萬全入土五寸宣化縣僅有寸許幸先有

二十三日之雨大田無礙晚禾亦可補種且彼地

氣候較遲猶不爲晚但盼望甚殷今現在各處紛

奏紛報雨與此二處同府者已到此際諒必均霑臣

聖鑒前奏少雨之獲鹿并涇二縣續已報稱二十五六

七等日獲鹿業經透足井陘於兩日內得有七寸
趕種無誤惟平山係高阜之地從前雖屢經報到
尚在待雨亦同日得有五寸此外通省具報此三
日內得雨者共又有七十七州縣今七月初一日
午後微雨初二日亥時起密雨連綿至初三日戌
刻方住更可冀其普徧從此止慮過多不虞乾旱
正因大小不一恐有不普之慮耳
總之今歲雨澤但有大小之分而時時接續四處
均霑是以早田旣盛晚禾復廣米糧甚平人心安
樂黃童白叟無不歡欣鼓舞實有豐登之兆非臣
所敢稍有粉飾也合將現在地方情形據實覆

奏上慰

聖懷謹

奏

覽目下情形朕懷稍慰

雍正十二年七月二十日直隸總督臣李衛謹

奏爲奏

聞近日地方雨澤年景情形事竊臣自七月初四日具

摺

奏報初二三等日得雨後隨據通省遠近各州縣報

到此二日內又有雨者共六十三處續有保河津

順廣大六府各屬七月初六七等日復有大雨卽

正定之平山縣前覺微旱者初六日亦得霑足宣

近聞宣化一帶甚旱卽

早晚得雨補種已屬無及留心確查先事綢繆可也

化所屬各州縣皆已有雨惟宣郡府城及萬全縣

張家口尚缺而該府所報此二處夏收旱田約畧

亦有六七分於向年尚未爲減少若於數日之內

得雨晚秋可望今於十八九日又得密雨各處透

足若宣化等處此次亦有甘霖則收穫仍可無礙

今歲營田州縣稻田禾苗極其茂盛木棉結秀異

常較往年更好數倍各處窪地種植者亦從未有

如今年之多而且盛四郊彌望滿目芄芃實爲可

奏慶至各屬有上年被水窪地草萌之中遺有魚子
在內夏秋日曬氣蒸雖間有化爲小蝻與向日土
產之草螞蟥攙雜生出臣預飭留心撲捕分遣標
員督催陸續俱卽消滅除已經具結報到外現在
止有河間獻縣交河等處悉稱不日可淨近日順
天府屬之香河大城永清武清以及大興宛平亦
有數處村莊報有生發俱係零星參錯幸未成片
段且禾根莖葉皆已堅結不能爲害臣分遣員弁
督同地方文武上緊掃捕尅期務淨現據大興縣
已報撲滅其餘諒不致上厪

極力督飭屬員務令撲盡無遺

聖懷爲此繕摺奏二十日外書二十四日唱職回本殿

聞伏祈

睿鑒謹

奏

覽

同日又

奏爲奏

聞事竊臣於七月十七日考官公出回署街傍突有一

人跪稟口稱投到領罪觀其形似求乞告狀之人

隨交中軍官帶回盤問覆稱聽其語言初似癡癲

移時又有頭緒據供本名孟輔世係陝西漢中府
南鄭縣民父故母存小本貿易上年八月二十日
曾在蘭州監督廳上書失實隨即鎖拏呈請巡撫
奏布按於二十四日發文解回原籍本處正法行至
褒城縣地方將解役灌醉脫逃在外各處盤詰無
可容身特來投到聽候解回治罪行文原籍知照
奏等語并繳出在蘭州所上書稿及說單二紙臣看
其單稿內有狂妄悖謬之語罪不容誅但正法必
奉有

諭旨據稱八月二十日投書二十四日即解回本處正

法數日之內焉能卽奉到

明旨如是之速則所供顯有荒唐難信之處除飛羽密
咨署陝西督臣劉於義甘肅撫臣許容查明所供
虛實是否潛逃重囚外現將該犯密交按察司牢
固監禁相應據實奏
聞竝將原繳單稿固封進

呈伏候

諭旨訓示庶便嚴究情由置之大法以爲妄誕悖謬之

戒謹

奏

將該犯投到自願領罪情節備敘移文遴差管押解送
陝省聽該督撫審結可也

雍正十二年七月二十五日直隸總督臣李衛謹
奏爲奏報宣化近日得有透雨并覆現在預備緣由
事竊臣欽奉

硃批諭旨近聞宣化一帶甚旱卽早晚得雨補種已屬
無及留心確查先事綢繆可也欽此仰見
聖心無微不至臣身在地方敢不凜遵料理查宣化十
一州縣除別屬先俱陸續有雨外惟宣化萬全三
縣七月內實爲少雨懷來延慶州次之腹裏鄉村

平坦田地從前得雨之時先經種植自張家口以至延慶一路多係山岡地土燥烈未得播種頗有亢旱情形今據報於本月十九二十兩日連得大雨已種者雖減分數收成可期未種者節候已遲誠如

聖諭補種已屬無及只可乘時急下秋麥爲來歲夏初之計現在宣屬別處米價尚平惟宣化縣張家口米價少昂猶幸宣屬今歲穫麥比往年稍好且彼地又有一種夏收豌豆胡麻等項雜糧目前儘可支持惟慮冬春之間米價過長須得預籌接濟臣

於六月底已令宣化府將存倉屯米在於府城減價平糶兵民頗屬相安其張家口先據該同知以存貯日久請將倉米糶價臣因彼時米價尚平飭令暫存今正可酌量接濟查宣屬地處邊陲山高路峻別屬米穀難於遠運惟本處所貯米石猶可酌量轉移今查宣化縣存倉各項共合米三萬一千餘石除現在應需兵米等項約一萬一千四百餘石再留來春備用米數千石外實存米一萬數千石在於本地平糶可以敷用其萬全縣雖有存米合算三萬二千餘石而彼地所需兵米行糧數

約二萬之外尚有別項需用民食實有未足但張家口同知所存雍正六七年採買之米以及所存通倉運去陳米等項之內若移緩就急尚可通融不足者暫於附近處所再爲設法撥運目今保定一帶自二十日奏報以後連日密雨時作時止直至二十五日始見晴意所及必遠諒宣屬於此數日內仍有雨澤普霑足以仰副

聖主痼瘼一體之

睿懷也爲此謹

奏

宣府連得透雨已據補熙奏聞矣

雍正十二年八月初四日直隸總督臣李衛謹
奏爲奏

聞事竊照直屬地方自七月十八九起連有雨澤俱係
間日時作時停二十五日臣具摺
奏報之後次日夜間雨雖不驟而稠密連綿達旦始
住臣因地已透足恐積水停潦委員各處查看早
禾已成晚禾俱已茁長枝幹堅實無甚損傷卽最
窪之地向年原止種麥今歲偶有廣植晚秋者初
時水稍停積旋即消退其餘高阜村莊禾苗甚爲

茂盛目前即可收穫惟各處年久土房被雨浸透
終夜淋漓間有倒塌保定府城內外臣已將養廉
節省銀兩給領安頓別屬俱飭地方官逐一查明
酌動

恩賞該處備公之銀分別撫恤沿河隄工據各道廳覆
稱秋汛水勢長落不定現在保護無虞惟涿州固
安土隄因永定河水陡漲各有衝開小口其他良
鄉雄縣高陽新城束鹿安州吳橋魏縣等屬亦有
臨河漫溢之處俱卽疏濬堵築竝無大礙止有永
清縣係固安之下流河水驟漲縣城西南角坍損

一處水漫入城官署民房多有倒塌臣據報卽飛
委員弁齎司庫存公銀五百兩前往確查實在分
別賑給會同地方官設法疏洩應否再動倉穀酌
量接濟不許稽誤又宣化各屬方幸俱得透雨秋
獲可期乃於初三日據該府報到七月二十九日
申刻雨內有雹將及一時小如雞子大者若拳宣
化附城四隅週圍東西五十餘里南北三十餘里
高糧穀黍悉被打傷等語臣亦飛委通判守備齎
銀五百兩前往會同地方官查勘賑恤將預備冬
春接濟民食事宜令該道府星速料理并通查宣

屬別縣有無被傷之處馳報一例酌辦外合行具
摺奏

聞至今歲直屬年景米價大槩俱好臣身在地方凡遇
低窪積水偶有一二村莊零星被潦者自當隨時
設法竭力辦理不敢少懈致厪

宸衷也爲此謹

奏

畿輔小民瞻依最近一切撫恤事宜得卿辦理足慰朕
懷

雍正十二年八月二十日直隸總督臣李衛謹

奏爲奏明事竊照直省營伍盔甲器械經雲南提臣
蔡成貴等條奏各案俱准部議行查臣現在將直
隸各營甲械徹底清查計算製備統俟酌議妥確
奏另行分晰具

題外惟是旌旗衣甲之顏色所以一耳目而示號令
本朝八旗制度合天地而符五行按方位而成四序
生尅制化精微神妙盡善盡美今直隸甲械不一
非旦夕可以齊備者而南府各營號衣顏色多係
青藍紅鑲猶爲合宜惟沿邊各營臣於上年挑兵
時查閱衣甲多有白色臣思白爲西方之色於五

行屬金除別枝兵丁猶可無須卽爲改正外如鳥鎗礮手所持火器爲我

朝用武之先資火旣尅金而金又生水以尅火均於白色未宜臣愚以爲鳥鎗礮手號衣應否俱照南府用石青布紅鑲邊按東方甲乙木之色以生火而尅西方之金更爲有益其舊時白者可以染用無須大費再查湖廣鎮筭總兵楊凱條奏改造腰刀一案直隸通省估計一萬餘兩臣現在將各營舊存腰刀內之短小窄薄以及白鉄無鋼者飭令逐一驗定式樣陸續修造惟鳥鎗手係操練排鎗

連環進步各兵執鎗施放手帶火繩腰繫藥袋若復懸帶腰刀則進退轉身急走時皆有格礙是以悉將腰刀斜縛於背非他人代拔代裝不能出入刀鞘若遇短兵相接前有鎗靶後有鉄桶刀法難施是本身旣無用刀之時而徒於打鎗有礙故臣前在京操演勇健兵丁時除馬步各項礮手配刀外烏鎗手俱製給鉞斧用皮套插於腰間旣於施展利便且出外行走一切砍伐開路無往不利所以久慣出師滿漢馬兵各皆隨帶小斧濟用且製斧之費較之於刀大可節省臣愚以爲直隸各營

除馬蘭鎮泰寧營等所轄兵丁有把牆護衛之任連鳥鎗手一項仍照舊佩刀外其餘各處鳥鎗兵丁俱應製造鉞斧插帶將舊有腰刀分別堪用者移給弓箭等項兵丁懸帶不堪者加鋼另製以上二事臣本欲彙入敬獻芻蕘等事條奏案內

題覆因目前奉

旨挑選精銳兵丁一千名更換北路一應軍裝現在準備若不陳明卽行改換恐蹈擅更舊制之愆理合繕摺具

奏是否可行伏祈

聖明訓示欽遵爲此謹

奏

所奏二事舉屬可行候於題覆時再加詳酌有旨

雍正十二年九月初一日直隸總督臣李衛謹

奏爲奏明驛遞實在情形酌議調劑整頓事宜恭請
訓示事竊照驛站額設馬匹餽養供差久有成例遵行
而現今在站應差者每馬十匹之內皆有騾二三
頭不等抵數歷久相沿未知起於何時不特直屬
通省各驛皆然卽臣從前歷次奉差常有馳驛往
來凡經過北五省各驛亦無不如此細察其故蓋

因馬力善於馳驟若緊要軍務河工差使晝夜飛馳五六百里者非馬不可若背包負重喫苦力長則馬匹不能如驟而近站往來晝夜不過三百餘里者以驟應差與馬無異所以每站皆有驟頭以供背包及近地差使搭配之用各驛此項驟頭若遇上司點驗或借別馬影射或以出差支飾凡所稱自備餘驟之說皆非實情惟至交代之際水落石出後官以驟非額設必令換馬前官則因口外購買官馬旣多價值倍昂雖竭蹶賠銀無馬可買只得於近地搜尋伏地駒子等項難以得力耐久

者尚不能足數每至紛紛互詳若按照定例則相沿錮弊逐站皆然非但不勝其叅而各站旣不敢以騾抵數又不能盡將勞斃者買補勢必因循掩飾轉致馬數缺少有誤驛務關係匪輕臣旣察知確情若不據實陳明籌畫調劑近日買馬愈艱驛站漸覺疲敝難於整頓查通省各驛舊額及新續增共馬五千二十八匹若按三成之數以騾抵馬內用騾一千五百零八匹莫若明准此數令其留存在站凡有背包負重及近地往來之差按其緩急搭配以代馬力此外七成馬三千五百二十四匹

務令選骨格高大臚好者在站餵養以應差使有
能於七成數外多養馬匹者聽其自便若於三成
數外再多騾頭者照缺馬之例嚴加叅處庶驛馬
免於疲勞站務實在有益但驛站額設止有馬匹
歷來定例已久臣未敢擅專更易是否可行伏乞
聖訓指示欽遵謹

奏

驛遞之設原爲致遠達速以騾易馬萬不可行

雍正十二年九月二十八日直隸總督臣李衛謹

奏爲奏明事竊臣欽奉

硃批諭旨

六

庚

李

衛

諭旨直隸挑選精銳兵丁一千名前往北路更換原派

出征之兵隨即欽遵移行署提臣路振揚等按照

挑選邊兵案內附奏嗣後調遣先儘向食大糧之

奏兵於中揀選極其精銳之人前往不敷者方於守

糧內選用續經兵部咨覆令馬步各半揀派并將

領兵各官應派副將或叅將一員遊擊或都司一

員守備二員千總四員把總八員令各該督撫在

現任署任各員內揀選派出具奏臣隨與提鎮諸

臣咨商今已派定提標各屬協營路挑選兵三百

五十名宣化鎮標各屬協營路挑選兵二百五十

名以上二標馬步各半步兵俱係大糧戰餉天津
鎮標各屬協營路挑選兵二百名正定鎮標各屬
協營路挑選兵一百七十五名保定紫荆馬水口
三屬挑選兵二十五名以上馬步各半步兵原係
守糧合共俱已挑足精銳兵一千名至領兵將弁
先令各鎮自舉所知臣與提臣再行秉公詳慎會
核內叅將一員欽遵

諭旨已將湖廣襄陽鎮標中軍遊擊王士弘

題請委署蔚州路叅將員缺恭候

命下令其帶領官兵前往外又選得文安營遊擊楊永

和新河口堡守備白成事茨溝營守備張國泰暨
各標協營汛千總馬蘭曾受爵王壽金王如綸把
總冀正翟又新郭進忠劉繼道武其祥林喬張永
泰傅名顯以上共派署叅將一員遊擊一員守備
二員千總四員把總八員俱係弓馬熟悉操防勤
幹之員堪以領兵前往現在預備恭候諭旨到日
起程理合繕摺奏聞伏乞

皇上訓示遵行爲此謹
奏

卿所挑選諒必允當臨事精詳朕信之有素也不

雍正十二年十月十五日直隸總督臣李衛謹

奏爲欣逢

聖瑞歡切臣衷事雍正十二年十月初十日據馬蘭鎮中軍遊擊閆英稟稱

景陵後昌瑞山產有靈芝九本寶光燦爛彩色繽紛經署鎮臣石文焯會同總理諸臣敬謹請起於初四日遣官進呈

御覽臣聞報之下五內歡忭因思雍正十年靈芝生於景陵寶城山上而北路卽有大捷今甫見邸鈔西路軍營

聖祖仁皇帝厚澤深仁涵濡無外
神功聖德式憑在茲我同縣野
皇土大孝格

天至仁浹地是以希世之祥相因疊獻行見露布之捷接

綸音宣示中外以便具表恭

是日都中但得雨數陣而保定則有積雪相去咫尺之
賀茲於本月十一日迎冬之期自己時起直至十二
立冬正日瑞雪飛颺積有四五六七八寸不等據

間寒暄迥異

天

工之

不可

思忖

有如是

夫

各地方官報到者已四十五州縣來年二麥可冀
豐收農民稱慶萬姓歡騰實

皇上德威昭宣用召靈芽之特出而普天大有佳兆卽

隨上瑞以具呈理合恭摺繕具清單先行奏

聞伏祈

睿鑒臣曷勝歡忭之至謹

奏

覽卿歡忭之奏朕亦欣幸無旣

雍正十三年正月十五日直隸總督臣李衛謹

奏爲恭謝

天恩并陳地方近日情形事竊臣接到都察院咨開雍正十二年十二月十九日請派巡察順天等七府帶領科道引

見奉

旨李衛爲直隸總督不必派巡察官員欽此移咨到臣

聞

命之下感戴旣深悚惶交集伏思直隸爲

畿輔要區幅員廣遠總督責任兼辦巡撫事務未免

竭蹶從前

特命科道分府巡察

睿謨極爲周詳臣自調任以來日思奮勉圖報惟恐心

思不到精力未周尚在兢惕難安乃蒙

恩旨以臣備員地方不復再派巡察仰邀

巡察之設原爲勛助督撫不逮可以不須則當省此一

聖主專其責成深信無疑臣豈敢稍弛心力自蹈忽畧

官何必令地方多一番供應耶之咎惟有倍加警懼竭此寸誠以期勉盡職守而

任重才疎尚祈

聖慈垂宥時加

訓示俾免隕越爲此具摺叩謝

天恩伏惟

睿鑒再附陳者直屬從前巨盜飛賊雖經屢次設法捕

獲多名畧已斂跡而每當歲暮之時常有乘懈肆
劫之事臣預飭各屬文武留心體察加謹防範復
委標員分頭巡緝匪類俱歸各本案完結不敢冗
敘目前歲底新正幸無劫案呈報地方寧謐各屬
米價惟宣化府稍昂已於封印前題明減價平糶
而臘月二十三日龍門赤城等縣得有冬雪五寸
及三二寸不等此外十月內得過大雪者百餘州
縣而永平所屬亦有透雨米價俱平歲收可期惟
山西相近地方及口外搬運頗多緣隣封民食均
係

朝廷赤子而軍需轉運亦關緊要直隸上年豐稔米麥
尚多未便悉爲禁遏現在酌量本地口食所需曉
諭民間各爲撙節是不許囤戶高擡價值庶期兩全
又燒鍋除宣化府屬准開外其餘例奉禁止但京
東一帶州縣地方內有窪地土性惟與黑高粱相
宜味苦而澀與米高梁不同民間種植者多薄收
之年卽以充爲口食如遇豐歲將此燒酒以資完
糧用度若米穀賤時禁止過嚴則此種高粱無可
別售又難久存小民經營維艱臣察知此等隱情
歉歲禁之豐年寬之是乃隨時變通之道也
雖未便明請開禁亦不得不爲變通分別輕重將

米高粱仍行嚴禁外此項暫爲從寬稍便民用至於黃銅器皿臣在浙任屢經設法查禁節次

奏明收買頗多到保之初卽列入條款申禁猶恐未

此當竭力嚴禁毋容少怠

能周知復刊小式告示徧處張貼曉諭不時嚴行

查拏其造賣賭具向日直隸此風頗盛冬春之間

賭博

更多屢禁不悛因而密令文武設法差人暗行收

一節

直省奉行俱屬未能盡法

徐徐勉爲之

買從此根究來歷一年之內所獲牌板器具不一

而足俱照例定案完結今亦知畏法歲內所犯頓少稍見成效再臘月間正定府屬之行唐靈壽等縣山內出有虎患傷人隨遣臣子李星垣同差委

弁兵三十名前往搜尋巢穴打獲大虎五隻竝飭
令各營汛分頭下弓設弮陸續又報獲大小虎豹
驅逐猛獸以便行旅往來亦可謂除暴安良之一端
八隻現在行旅樵採頗得安堵合將近日地方事
宜一并附摺陳明謹

奏

覽

雍正十三年正月二十日直隸總督臣李衛謹

奏爲恭報瑞雪均霑事竊照本年正月十七日保定

府城得雪四寸近處州縣之安肅定興涿州蠡縣

滿城易州涞水慶都新安容城高陽祁州安州完

縣雄縣博野新城唐縣河間交河獲鹿新樂定州
報到者各有四五寸三二寸不等復據臣齎摺差
員回稟京師以及良鄉瑞雪普徧均在同時其別
屬先於初六十一等日得雪者又有順天府屬之
遵化寶坻寧河昌平順義懷柔密雲大城香河永
平府屬之昌黎豐潤玉田樂亭遷安撫寧山海衛
宣化府屬之懷來延慶蔚州蔚縣及熱河之承德
州等各處接連具報查去冬早已普得透足雪雨
土膏原皆潤澤而宣化永平二屬節氣稍遲向種
春麥此時正爲相宜卽京南各處麥根興旺方在

長養又遇瑞雪滋培自必深厚堅實更加茂盛萬
民欣慶歡呼載道實有豐年景象理合恭摺

奏報上慰

睿懷謹

奏

微雪沾濡而已尚未可云透足

城守尉楊代何如可勝副都統任否

雍正十三年正月二十四日直隸總督臣李衛謹

奏爲奏

聞事竊臣於正月二十日早拜進奏摺後卯刻出堂望

闕叩頭行開印禮維時旭日初昇天氣清朗司道各官
一同在署仰見日上戴冠形如寶蓋雲成五色光
徹九霄左右抱珥明若雙鏡瑞靄重重繽紛擁護
自卯至辰一時之久闔城文武以及吏役兵民萬
目共覩攷之於古日冠雙珥實爲嘉祥徵兆我
皇上敦本重農是日豐潤玉田樂亭遷安撫寧山海衛
親行祈穀大禮瑞雪先期而降日華應時而呈雖
帝念常謙屢却賀章而弗受惟

天心攸眷頻昭

景福於無疆官吏忭舞衢市歡呼理合恭摺奏

聞伏祈

睿鑒謹

奏

保郡相離不過三百餘里何都中竟未之見耶

雍正十三年二月初二日直隸總督臣李衛謹

奏爲恭請

恩准隨

駕以展微忱事恭聞

皇上於二月十二日

親詣謁

硃批諭旨

六

舍

李

衛

陵臣身在地方分應道左前驅清塵扈

蹕且自雍正三年冬蒙

恩准臣隨從叩

陵之後將近十載瞻戀微忱無由自遂爲此恭摺具

奏仰懇

聖主俞允臣卽帶同按察使多綸起程其布政使王暮
留於保定府料理地方事宜合并陳明臣臨奏曷
勝懇禱瞻望之至謹

奏

允卿所請不必來京先詣通州左近預候可也

雍正十三年二月二十四日直隸總督臣李衛謹

奏爲

聖孝格

天甘霖協應億兆歡呼臣民共慶事欽惟

皇上舉行詣

陵大典臣幸得隨侍扈

蹕仰見

聖容齋莊儼肅誠敬恪恭行禮之日望

山陵而雪涕薦籩實以興哀實有憫見愾聞終身孺慕之

心十三年來如同一日百辟羣僚油然觀感

孝思不匱上格

穹蒼是以

玉輅在塗和風協應

鑾輿迴輦甘雨隨來本月十八日辰刻臣自長營叩送

聖駕行三十餘里遇雨卽住宿馬駒橋次早前行見道

路泥濘頗深問之土民回云此處昨早卽降雨起

可見

翠蓋經臨之地

天心默應晴雨得宜誠非偶然所能遇也且春將及半地

氣正當上升有此時雨滋潤土膏透達一夕之間

勾萌畢出麥隴皆青臣沿途目睹村農野老莫不
感激欣忭歡呼載道近處具報同於十八日辰巳
午間得雨至戌亥時未止者共八十五州縣衛高
下多已霑足遠者尚未接到此番所被廣濶米價
更減

聖世雨露之恩周徧而神速未有過於此者攷之於傳
曰惟聖人爲能饗帝惟孝子爲能饗親又曰饗帝
於郊而風雨節寒暑時夫惟

皇上以純孝格

天而億兆臣民羣受其福將來二麥豐登百穀順成大有

而意之象已兆於斯臣曷勝慶幸忭舞之至謹將直屬
皇土已報各處得雨緣由另繕清單恭摺奏

聞伏祈 聖鑒謹

奏

聖鑒謹

朕回至京城詣

壽皇殿拈香方入門旋即落雨土膏滋潤氣候調和朕實

欣悅之至

雍正十三年三月初十日直隸總督臣李衛謹

奏爲恭報春雨及時再沛事竊照直屬地方同於二

月十八日已得有甘霖者共八十五州縣衛經臣具摺奏

聞之後續據報到又有順天府屬之寧河永平府屬之豐潤玉田撫寧樂亭昌黎灤州盧龍遷安山海衛天津府屬之慶雲大名府屬之元城南樂開州清豐長垣大名等一十七州縣衛連前共百餘處其宣化一屬春初有雪地氣亦潮是通省遠近均霑冬麥春苗悉皆發榮滋茂矣今於三月初十日又降時雨入土已有三寸濃雲四布所及必遠春雨向來難得茲二旬之間連沐膏澤萬姓歡呼實乃

今番雨澤誠可謂優渥

上天感孚

天恩也此喜與卿共之

聖德福佑之所致也臣正在額慶之際又接得辦理軍機處寄字到來欽奉

密旨宣示噶爾丹策凌已遣人隨侍郎傅鼐等而來與臣前面奉

諭旨三四月內可以得信情由相符仰見南樂開闢青天威遠震

聖仁廣被使小醜畏懼悚惶感戴懾服冀逃命於釜魚自乞哀而伏罪既慰臣盼望之衷復遂臣欣幸之願隨將奉到

密旨汎地堆撥事宜立即敬謹欽遵奉行辦理外所有
又得時雨日期理合具報爲此謹

奏

覽

雍正十三年三月二十一日直隸總督臣李衛謹

奏爲請

旨事竊照直隸所屬陸續出有衝繁疲難內三項相兼
應行題補各缺臣因一時現任內揀選未得人地
相宜之員俱暫行委署試看一面詳慎揀擇因要
缺不便久懸除將西路同知并繁難州縣數員

題請補授於疏內聲明保定府通判員缺乏人選擇

另

奏在案查此一通判係復設之缺督緝差查就近發
審案件事務頗繁必得練達之員方能稱職現在
秦州縣中才具可用者俱已揀補要地此外多係初
任試用實難其選查有刑部學習之姜泰嗣臣前
署理刑部時見其辦事諳練頗有才情迨臣調任
直隸後雍正十一年臘月內經刑部揀選列爲一
等帶領引

見奉

旨以姜泰嗣看來果係明練之員交與吏部議給七品
去小京官職銜食俸辦事屢經部臣任蘭枝等將該
員

奏請帶往淮安鎮江山東各處查辦審理

欽案事件現在叅革永定河同知黃瑛等侵扣一案亦
係該員隨同任蘭枝來保辦理臣屢加試看誠如
聖諭果係明練之人但係在部食俸辦事人員臣不敢
遽行具題請留酌用今已回京仰懇

皇上天恩俯念內外同爲

國家公事可否

敕下吏部將姜泰嗣帶領引

見恭候

欽定如或才果可用以之借補保定府通判員缺俟試

聖備用一年後倘能稱職再行

題請實授似於地方有益而臣亦資臂指之用矣臣

爲要缺需人起見不揣冒昧具奏

奏伏乞

聖鑒訓示遵行謹

奏

照所請諭部矣

同日又

奏爲甘霖豐沛再行奏

聞事竊照直屬地方今歲春月屢得時雨三月初十日
復降甘霖於臣前次具

奏之後各屬報到者共已七十一州縣衛內宣化府
通郡所轄全得霑足更爲邊境春間罕有之事今
省城又於二十日未時起初則霏霏微雨繼而漸
次綿密二十一日早猶然未霽均已深透農歌於
途婦慶於室仰見

天心仁愛實

聖德感孚臣於額慶欣幸之際益加凜惕之虔所有甘霖疊沛情形并前次報到得雨清單合再奏

聞上慰

宸衷臣臨奏曷勝歡忭屏營之至謹

奏

際斯春夏之交潤麥滋禾洵可謂及時膏雨也欣覽而已有何可諭

雍正十三年四月初六日直隸總督臣李衛謹

奏爲奏

聞地方情事竊惟遺金不昧在鄉曲小民不過一節

之善而人心風俗之轉移於此可以見端直隸爲首善之地仰蒙

聖恩教養多年民間常有慕義嚮風者如冀州西北鄉數十村莊因從前被水借領倉穀歷年除完外尚存舊欠二千五百餘石艱於完納上年該州東南鄉村莊俱獲豐收遂代西北鄉贖地各欠戶悉行捐還州倉又涿水縣入官旗地租糧窮民積久難完有正白旗告老頂帶莊頭方國璽將本身自收租穀碾米六百石運縣糶賣代爲完納此二事亦見風俗漸厚臣現在確查另行具

題外近則又有查實之萬全縣軍站馬夫劉金貴於
歲前十一月二十七日晚在南街拾有布包一箇
計銀三十三兩報縣張示召認係山西臨縣民高
威金之銀中途遺失驗明取領給還又有天津城
守營兵丁蕭國泰於本年正月二十六日獨自在
曠野地方見行人墮驢中風不語隨身有行李銀
兩不生覬覦卽至營房喚同汛兵擡至廟中醫治
招到病人之父史陞公認明將銀二百五十兩并
鋪蓋衣服給還又有雞澤縣民王繼聖之妻高氏
於本年二月十二日出門汲水在街拾有路遺包

祇內裝銀錢被褥同夫告知鄉地招人赴認係冀
州監生牛琪所失先將包內有銀三十二兩四錢
制錢二百文并各物件說出驗對相同給回原物
三事均應具疏題奏
以上三事各據地方官弁先後呈報前來臣查馬
夫兵丁鄉村婦女既不知義利之辨亦未悉有他
處不拾遺金得蒙獎賞之事而自發良知合乎道
義皆由我

皇上聖德涵濡是以羣黎嚮化臣深爲人心風俗慶幸
不敢因其細行壅於上

聞除飭行各加分別優賞鼓勵外相應附摺具

奏伏祈

睿鑒謹

以匹夫匹婦之愚而能輕財尚義慕善樂施允屬難得
於斯足徵風俗向淳之漸覽奏朕懷曷勝愉悅合平道

雍正十三年四月二十九日直隸總督臣李衛謹

奏爲彙報雨澤頻降溥利農功事竊臣於四月初六

日

奏報通屬時雨周遍迄今甫及二旬而順天府屬之

大興宛平良鄉房山通州三河薊州順義香河寶

坻永平府屬之撫寧昌黎遷安豐潤山海關內外
保定府屬之定興廣平府屬之邯鄲大名府屬之
魏縣易州屬之廣昌等各州縣衛又於十六日得
雨河間府屬之故城東光吳橋阜城寧津景州正
定府屬之元氏順德府屬之邢臺平鄉南和唐山
廣宗沙河廣平府屬之雞澤曲周威縣冀州并所
屬之衡水棗強新河趙州屬之栢鄉高邑隆平寧
晉以及直隸深州俱於二十三日得雨今二十七
八兩日復有時雨近處如保屬之清苑容城定興
雄縣新城高陽滿城安肅祁州蠡縣河屬之河間

肅寧又易州并所屬之涑水俱已報到其餘遠處
方將接續具報在從前連沛雨澤二麥極其茂盛
漸次秀穗秋苗俱已長發今隔數日各處又有一
二三寸細雨沾濡得此培養滋潤力愈足而根愈
實其於二麥大秋利益無窮北地春雨不嫌其多
此後再降更好臣未敢繁瑣臚列所有近日接續
雨澤情形理合具摺恭報上慰

聖懷爲此謹

奏

春膏旣渥夏澤復優仰感

天慈曷其有極

同日又

奏爲恭懇

聖鑒事竊臣接准吏部咨文因山西署虞鄉縣試用知縣李景芬以勒收捐監出結陋規不遂捏詳被叅照例將原保舉之直隸署天津府同知楊灝降二級調用奉

旨依議欽遵在案此誠

皇上激揚大政臣何敢妄有陳瀆惟是天津五方雜處盜匪繁滋最稱難治又係衆水滙歸入海之區南

運河一帶工程最關緊要歷來同知不得其人前
任總河顧琮與臣會商再四將楊灝由保定府清
河同知

題請調補該員久在河工熟悉諸務時常差遣明白
勤練頗有才情目前正當夏汛於現任及效力各
員中求其能勝此任者實鮮其人在該員冒昧濫
舉咎無可辭但河務重大舍熟諳之員而求生手
又費周章臣爲人才難得起見用敢據實陳情仰
祈

聖鑒可否將楊灝帶所降之級暫留原任效力贖罪則

該員感戴逾格

天恩自必益加奮勉於河務地方似有裨益矣爲此謹

奏

有旨諭部矣

雍正十三年閏四月二十七日直隸總督臣李衛

謹

奏爲恭請

聖鑒事竊照正定鎮總兵蔡永文奉

旨署理大同鎮務所遺員缺荷蒙

聖恩命臣於屬員中揀選奏聞委署臣欽遵查得直隸

聖恩副將連河標共有十員半皆新任更兼遞署銜缺
目署多不相當如俸深之三屯營副將高文涵才具辦
聖鑒事雖可去得而操守居心臣尚未敢深信無疑且
表現在暫署馬蘭鎮未便又行移動臣再四思維僅
有調管臣標中軍副將宋愛辦事細心人尚明白
或可暫行署理俟

聖明

特簡得人補授則地方可收實效矣是否有當恭候

訓示未敢冒昧具

題抑臣更有愚陋鄙見不揣瀆陳者西北重鎮莫如

大同爲最所轄皆係關隘要口管兵獨多必歷練
老成嫻於武備者方克勝任蔡永文聰明有才操
守亦謹立志向前誠可爲調繁之用惟係宦門子
弟出身於武備尚未透徹根底南天祥自幼食糧
行伍漸次拔擢閱歷已多於一切營伍事宜較爲
諳悉訓練技藝亦能周知前蒙

聖恩念其在松江提督任內獲咎尚無重情仍畀宣化
邊疆之任天祥愧悔無地頗覺黽勉思奮可否以
蔡永文調補宣化南天祥調署大同鎮同屬總兵
一轉移間使之各盡所長似於人地更爲相宜臣

知識短淺萬不能窺
睿照之高遠而直隸山西總屬
聖朝疆域臣不敢以外省地方稍有岐視鄙見偶及相
應附摺陳明伏祈
睿鑒謹

奏

所奏深愜朕意可謂允協之至另有諭旨從部頒發

同日又

奏爲

聖主施恩逾格微臣悚惕難安恭摺

奏謝事竊臣恭逢

聖祖仁皇帝御製文集刊刻告成億萬千年奉爲金鑑荷

蒙

皇上恩賞及臣應行陳謝因查通政司原文條款凡係

公事如

頒發書籍等項用題本特蒙

賞賚及代人謝

恩者用奏本臣前曾代原任大學士魏裔介原任尚書

魏象樞後裔恭謝

欽賜入祀賢良祠愚昧之見以爲有關

聖主褒獎忠良大典乃係公事兩次俱用題本通政司
於第二次本到時連前半年已收進

恩呈之本一并以應用奏本指叅荷蒙
皇恩格外寬宥今次特邀

賞賚係開列王大臣官員名單

欽定原未普例槩

頒且是臣一人謝
恩有鑒於前不敢再用題本又經通政司以誤用奏本
題叅自應聽候處分復蒙
恩旨該部知道欽此是因臣粗疎錯誤每致上煩

天心曲賜優容撫躬自問跼蹐難安雖捐糜頂踵無以

仰酬

高厚於萬一爲此具摺恭謝

天恩謹

奏

奏本題本條款雖分爲二原非大相懸殊不過俾汝等
封疆諸臣慎重檢點之意以汝資歷之深尚不能諳悉
程式其他服官未久宜乎不免錯誤者多矣然朕因此
亦每不令依例處分也

雍正十三年五月初四日直隸總督臣李衛謹

奏爲恭報二麥豐收實在分數事竊照直隸全屬仰
聖德感孚

上蒼垂佑瑞雪早凝於冬月膏雨頻降於春時遠近高下
均得普徧二麥已登民氣和樂茲據布政使張鳴
鈞轉據各道府州將所屬實在收成分數呈報前
來臣查通省二麥收成俱有十分九分以及六七
八分不等惟宣化府屬地氣稍寒節候較遲俟報
到再行具

奏外謹將各屬報到二麥收成細數另繕清單恭呈

御覽總之北地種麥每年多寡不同少種之年卽十分收成究竟所穫有數緣上年冬月直隸通省普得瑞雪春雨及時各處早晚種麥甚廣今歲冬麥大熟更與往年不同目前雖有靜海縣等十餘處水草叢生之所間有土螞蟥零星形跡臣已飛飭各文武境內如有窪地蝻子萌動預爲防範一見卽行撲滅盡淨仍委員時往巡查諒不至有厘

聖懷合并附摺陳明伏祈

睿鑒謹

奏

今歲荷蒙

天恩垂佑雨暘應序均調麥秋之豐不待奏報早已預知其然矣

雍正十三年五月二十二日直隸總督臣李衛謹

奏爲

聖恩高厚恭摺叩

謝事本年五月初八日臣齋摺把總自京捧回

欽賞臣牙鑲洋漆冠架一座到保隨郊迎至署恭設香

案望

闕叩頭謝

恩祇領訖竊臣仰荷

天恩從前屢曾

欽賜朝冠頂戴難名今又蒙

頒賞寶架樸素渾堅精工大雅瞻

內府之寶器日麗星輝感

帝澤之宏深天高地厚臣撫躬自問初無寸長乃邀恩

於

聖主者推心置腹頻叨格外之

隆施獲佑於

上蒼者時和年豐共慶昇平於樂歲承

天之寵愧而難安。非分之榮感而滋懼。惟有日凜盈滿。

上

蒼正自有日也

誠能如此存心。獲佑之戒。常存省察之心。以冀仰酬。

聖眷於萬一耳。理合具摺恭謝。

天恩伏祈

睿鑒謹云。彩天高。出早。無浪自問。既無。廿。灵。八。邀恩。

奏。林之寶器。日。靈。星。戰。風。

覽奏謝矣。

奏。林之寶器。日。靈。星。戰。風。大。無。觀。把。總。自。京。捧。回。本。

奏。林之寶器。日。靈。星。戰。風。大。無。觀。把。總。自。京。捧。回。本。同日又。煥。顯。各。全。又。業。到。保。隨。郊。迎。至。署。恭。設。香。

大奏為奏。題。會。

聞請。題。請。蘇。日。中。荷。

旨遵行事竊臣准吏部咨爲欽奉

上諭事本年閏四月三十日內閣鈔出奉

上諭總督李衛奏稱正定府知府鄭爲龍昨奉旨補授
通永河道查鄭爲龍謹飭有餘而風力不足恐於河
工緊要之缺未能辦理裕如可否給咨送部引見或
以京員或以事簡道員調補至通永道員缺如蒙迅
簡幹員更爲有益倘一時不得相當之人則伏汎在
邇或委令清河道宋壽圖前往署理其清河道員缺
近在同城亦有不時交辦公事可否於知府內遴員
遞署庶於河巡均無貽誤等語著照李衛所請將鄭

爲龍送京引見其通永河道印務著清河道宋壽圖
署理清河道印務著李衛於知府內揀選奏聞遞行
委署欽此欽遵移咨到臣隨轉行布按二司移調鄭
爲龍領咨赴部一面卽飭宋壽圖前往通州署任
料理河防竝令兩司於知府中揀選遞署之員會
詳酌議去後今據該司等會同詳稱查有署保定
府知府彭家屏才具優長辦事明敏堪以遞署清
河道印務所遺保定府印務查有奉
旨命往直隸以知府缺酌量試用題補之原任福建註
誤臺灣道倪象愷堪以遞署等因詳請具

題前來臣查彭家屏於前任天津鹽法道任內辦事

謹細尚屬急公之員仰蒙

聖明鑒照於廢置之中授以保定郡守倪象愷以註誤
道員荷蒙

恩旨命臣以知府酌量試用題補此兩員者感戴

天恩均皆淪肌浹髓其奮勵圖報之心極爲切實就其
才具而論各於所擬委署道府之任均可稱職雖
係遞行委署非實授可比臣不敢冒昧具

題理合先行繕摺請

旨可否將二員給咨赴部帶領引

皇上訓示方敢欽遵辦理爲此謹

酌擬甚屬妥協其才具均爲可惜倪象愷之不稱臺灣道任尚非朕所料及彭家屏似稍欠誠實或恐內外不一勤加訓誡令其悛改此二員乃向所稔知之人卽行援旨題署不必送部引見

雍正十三年六月初四日直隸總督臣李衛謹

奏爲覆奏交辦額外銅斤完半緣由并陳銅務錮弊

事宜仰祈

睿鑒事竊臣於雍正九年十一月初八日在浙江任內

承准大學士張廷玉等字寄雍正九年十月二十

日奉

上諭聞今年洋船來者甚多爾等可寄信與李衛於額
辦銅斤之外另動庫銀採買紅銅一百萬斤解送來
京爾等另行奏聞欽此寄信到臣隨經遴選殷商在
於臣追出及本任所發辦銅節省價銀十二萬一
千三百餘兩內給領承辦未動正項據商總等覆
稱每年現銅不足各省之數竝無贏餘若額外採

辦一百萬斤必得設法購買分作兩年各預發五十萬斤之價至癸丑甲寅年陸續繳解彼時正值

臣奉

旨赴京等因奉聞欽此查計臣等查辦糧數頗商

上諭奉

旨俞允當卽欽遵移咨前署督臣李燦給發并委交杭

州寧波二府秦烱等承管先行辦理五十萬斤赴

省鑒洋採買船未回懼臣已調任直隸因係奉

旨交辦之事不敢以旣經離浙置身事外屢次移行浙

省撫藩催解今於五月二十三日准到浙撫程元章咨稱此案額外銅勛內先辦之五十萬斤已委員管解一半於閏四月二十日起程前赴內務府交投又二十五萬斤原商業經買足收回乍浦現在委員起解等因所有奉

旨交臣採買額外紅銅一百萬斤臣從前經手委辦五

十萬斤之數已經完解好此外尚餘一半浙撫臣程

其一半寄字程元章元章接任後如何料理未准咨會應聽該撫催解

未購元章買令其停止辦解可也完結合將解銅緣由具摺覆

奏至於制錢爲

國家流通利民至寶銅斤實鼓鑄要需乃銅政日漸
頽敝每至上厯

宸衷內外諸臣條奏者不一而足似猶未得要領臣前
任戶部廣西司郎中專管銅鉛諸務雲南驛鹽道
任內辦理各項礦廠其在浙數年更於東洋銅船
事宜悉心釐剔其中原委大槩留意日久敢密爲
皇上陳之查從前紅銅倭鉛皆買賣人王綱明承辦自
戶部臣趙申喬將王綱明以遲延虧空叅奏綱明
遂將紅銅推出八省採買從此分更不一始而分
辦繼而合辦後又改分廣東湖南湖北則買解滇

銅江蘇安徽江西福建浙江則在於江浙海舶採辦夫地方皆

國家之封疆督撫均

朝廷之臣子同爲公事何分彼此滇銅既是有餘則雲三省之派亦俱令採辦洋銅竝未俾其往滇購求也往滇之行乃伊等自圖穩便起見殊非部議原意總之辦廣等三省委員遠處購求彼此又多轉手以致三銅之難不止一端除令日本不致留難不擡價值之外省道府隔屬呼應不靈其中勞費貽誤地方難以實別無良策然利之所在豈宜憑威強逼因細故而啓大釁也與

似應查明扣出本省自辦其餘同湖廣南北應辦之銅皆可歸於雲南直解更爲省便者也若江浙

言之

易

行之難

因通海口各省之銅悉取給於東洋商販其間調劑隨時制宜。臣在浙任所辦銅斤俱各辦解全完。

歷有案卷可查是銅斤不至竟無設處可辦也明矣。然其中錮弊實有他人所不能盡知者。因東洋

前經

面奏

已悉其槩

之日本國王

柔懦無能

權皆歸於

管事之將軍

掌

握中國商船

皆在長崎島

交易設有

譯司名連喬

等六人經管貨物自浙江放洋離長崎順風止有

五六日之程卽遇風阻不出一月自康熙五十四

年以前商船去來自由最遲往返不至一年後有

浙江姦商胡雲客欲圖壟斷勾通夷目設立倭照

江浙各二十一張分年輪番無照不許貿易商人
惟恐不得倭照每次必重賂譯司歷年積有厚貲
彼處將軍因而大肆需索自康熙六十年爲始不
論船之多寡勒令譯司繳納金片二萬片每年逐
漸加多至雍正五六年譯司卽有虧空將商船留
難遲發并於額定每船貨本一萬兩給銅四百箱
之內扣起一百五十箱止發二百五十箱各商帶
回之銅愈少以致虧本欠銅臣彼時訪知有姦商
私帶違禁貨物潛往夤緣倭照者漸致夷人不守
本分隨行設法拏究曾經歷次奏

聞荷蒙

聖明訓示恩威竝用倭夷懾伏臣又暗令商人將現在
此數語縱使傳播彼處亦止可令其暫信一時耳豈能
天朝各省廣收黃銅器皿堆積如山數十年用之不盡
久愚伊之聽聞

何須東洋採買今旣無故減銅臣有欲絕其通商
貿易之意徧行傳露彼處不但資藉中土貨物藥
材以爲需用買銅銀兩以爲轉運且自伊之東京
至長崎一帶水旱山徑地方專靠搬運貨物銅斤
往來交易以資口食者豈止十餘萬人商販一絕
無以爲活舉國恐懼情願照舊每船按數給銅七
百六十箱又於數外許多帶貨銀一萬二千兩加

給珠銅一百二十箱彼時各省辦銅得以無誤者實由於此近聞每年金片已漸加至五萬之多夷目虧空愈甚先去之船無銅可發必待後到之船貨物那新掩舊是以近來東洋羈滯之船多至四十餘隻惟十一年春間臣奉

命赴浙查勘海塘時陸續放歸一十三船完銅比舊稍可今則回權之船愈遲各省辦員無不違限致罹叅罰道府數年奔馳仍至革職離任嗣後更甚廢弛公務皆有關於地方且虧空積而愈多將來不能那掩必致水落石出合各省辦銅之帑項計之

在才之優劣耳不在任之新久也

番次領帑之日期後先以及貨物銅斤之盈絀客商夷島之情形皆海關之切近而熟悉者較之新設一道相去霄壤莫若分於江浙兩海關使江海關統辦江蘇安徽江西三省浙海關統辦福建浙江二省再令江浙各督撫協同料理一轉移間則返客爲主事權歸一與舊時辦法自有不同其雲南之銅直行解京毋庸輾轉滋累廣銅儘其所出辦送庶可免各省承辦之遲誤賠累之艱難如此暫爲補救俟行之數年不再虧缺畧有成效卽依此爲例否則另爲徐圖拔本塞源之道似於錢糧

鼓鑄要務不致築舍無成矣臣愚陋淺見是否有

當伏乞
候朕再加詳酌
聖明乾斷施行謹

奏

覽

同日又再令

奏為請

旨事竊臣有表姪邵銓係武進士出身先由侍衛補授

湖廣岳陽衛守備年力强壯膽勇過人實為武備

堪用之才置之衛所閒曠可惜臣曾於雍正八年

五月內附摺據實陳明懇請發於浙江臣標以營
備改補教導出力荷蒙

聖恩調京引

見逾格擢爲京營額外遊擊旋蒙

特授叅將職銜

賜戴花翎令其帶領湖廣官兵出師西路後於軍營

題補山西新平路叅將員缺今歲正月內准有署寧

遠大將軍查郎阿咨文知湖廣官兵已撤則邵銓

自必領帶而歸臣查邵銓勇敢忠誠材料頗好雖

在行間數年行走而實在營伍調度緊要關鍵恐

尚未歷練其奧若再加教導造就可以成有用之人現在臣標中軍副將宋愛已奉

旨署理正定鎮總兵所遺員缺係保定營叅將王之琳暫爲帶管又加新營兵多事繁難以久爲兼辦而直屬副叅將中選調亦乏相當幹員再三籌躇不

揣對揣冒昧仰懇

皇上天恩俯念新平路在山僻似非甚要之缺可否將

聖恩邵銓

賞發直隸或暫署臣標中軍或將王之琳委署中軍副將以邵銓調補保定營叅將俾臣得以就近督率

其人原係出格之才因極賞鑒而始加拔擢也

久之自漸歷練似亦無可教導若在卿統轄之下究未免有形迹之嫌朕欲另用別缺卿意以爲何如駕馭教導使得成立或可以備聖主驅使之用臣緣人才難得預爲儲養起見用敢不

避嫌疑據實具

奏伏候

訓示遵行再聞貴州苗蠻滋事未免稍厯

聖懷各督撫提臣作何奏報內裏情節臣無由而知卽據該處文武各官所遣進京之人一路經過說出之語似乎與所報不能盡實黔省接壤楚蜀滇粵況湖南苗民二種均屬性野俗悍地方最有關係此時告捷解散之言仰祈

聖明轉加留心細察或密遣可信之人飛馳前往沅州
一帶探實的信星卽具報則谷卽此式景有關於
睿照如神易於辦理小醜自必蕩平矣謹稟
奏
此番逆苗蠢動原非細事正在傳集辦理軍務之王大
臣詳籌綏靖之宜覽奏足見體國忠誠朕甚嘉之

奏同日又

奏爲奏

聞事竊臣因今春頻得時雨南北河道防範宜周於麥
汛之前通飭所屬預將各處工程堤岸逐一查勘

有低薄者加高培厚在案茲查南北運河於五月
望前水勢雖長旋即消落各處工程俱報平穩惟
大名府屬之長垣縣因豫省封邱縣滾水壩決口
低窪村莊數處并魏縣之杜疇村亦有漫流積水
幸下流無阻尚屬平常水勢業經分別堵築疏濬
直隸境內均不致有妨礙各屬自五月二十日外
雖每間二三日有雷雨一陣田水竝無停積現在
天氣晴朗其零星蝻孽據報雨後多已消除近日
惟有河間府知府陳起唐報稱獻縣見有飛過蝗
蝻落下蠶食一面該府親往率衆撲打一面查從

及早撲捕何至生翅當究明初起處

何地而來臣當卽分頭差員前往鄰境河津等屬
確查怠玩捏飾各官分別叅處仍令去員協同該
地方文武上緊芟除務盡根株外又據寶坻縣詳
稱該屬工部莊後身五月十八日萌生蛹子各有
數塊該縣會同營汛飛往撲捕其中將有長成者
十九日早忽有羣鴉無數從西南而來飛集生蛹
處所將跳躍蛹子往來啄食歷辰巳午三時悉已
罄盡復集於沿村樹上約有一時飛翔四散官吏
兵民男婦老幼萬目共睹無不歡呼稱爲靈異等
因臣密差查訪是實此誠

飛鴉

啄蝗若或使之據數處奏報相同諒應不誣

聖德感孚所致臣曷勝欣慶理合奏陳

睿鑒再西寧縣越獄響盜馬四木頭馬二瞎子馬登泉

三犯經臣飛咨原籍陝甘山西等隣境根拏聲明

臣差員隨後續到協緝等因今准甘肅撫臣許容

許容亦已奏聞矣咨覆已於狄道縣拏獲馬四木頭馬二瞎子兩犯

持刀拒捕兵役鄉民圍困抹頸就縛馬二瞎子傷

重身故又據固原州將馬登泉亦行拏獲咨臣應

否留甘關供就近審題正法現在照議咨覆并臣

等捐賞兵捕所有甘省此案協力同辦劇盜幸不

漏網緣由合并附摺陳明謹

奏

覽

雍正十三年八月初三日直隸總督臣李衛謹

奏爲覆奏事竊臣於七月十九日早自

圓明園起程二十一日抵保遵照

廷議奉

旨事理將標營教練兵丁逐一親加挑選精銳足額二

千名各兵感戴

聖主豢養教育洪恩無不鼓舞踴躍卽偶因患恙畧覺
聖恩軟弱及年力稍次挑存在營者亦皆再三告懇叩

有是哉奮不顧身誠可謂奇矣此皆卿素能鼓勵其勇
頭垂涕拉之不去衆目共見甚有蔣廷貴回寓情
敢之心故爾臨時激發也另有諭旨候從部頒
急自縊者兵氣勇銳若此所向定有成效正在料
理一切事宜分頭辦理具

奏間八月初一日接准部文奉

旨停其調遣惟恐臣在外不知底裏復蒙

聖諭命內閣鈔錄雲貴督臣尹繼善奏摺宣示知悉臣
隨欽遵行文飛咨各衙門知會訖伏查尹繼善所
報大捷雖內中多係五月間事但據稱各處俱已
平定大路開通惟鎮遠尚有數處逸賊出沒正在
搜剿上游俱各處處安靜奉調兩粵官兵已屬多

餘業經咨會停調臣思督臣統轄就近地方自必
能見及始末籌畫萬全無虞但兵○可○百○年○不○用○不
可○一○日○不○備○臣不敢稍忘枕戈之心凡操練分合
甚是斯正有備無患之謂
及行營對壘規畫可以預爲者仍當加意整頓庶
緩急無誤其邵銓尚在保定應否卽令前赴湖廣
聽候

題補或仍令其帶

有旨諭部矣

恩旨副將銜回山西新平路叅將原任使近在隣境設

有調遣尚屬順便相應請

旨欽遵至於臣子李星垣蒙

皇上逾格天恩授爲三等侍衛仍准會試因其隨同管
領兵丁前往行間效力是以勉承

恩命今官兵已停調遣則微末武舉何敢躡階濫

膺侍衛之職仰懇

豈可無故解退朕自另有措置

天恩將三等侍衛准予解退祇遵會試之

旨儻得稍有成就則犬馬之報效有日而臣心之惶悚
稍安所有實在蟻忱繕摺陳

奏伏祈

聖明鑒察謹

奏

覽

聖恩同日又

奏爲奏明事竊臣前在京時曾口

奏至果親王府請安隨蒙傳見優待又賞臣子李星

垣劍一口副將邵銓洋鎗一桿令其帶往出師又

於臣臨行之前賞臣親筆字畫三副時表一件李

星垣鎖子甲一身同邵銓每人皆賞衣服荷包等

物此因有奉

旨領兵赴楚之事親王仰體

聖心優加賞犒皆出

皇恩浩蕩所及理合附摺奏

聞謹

奏

王之優待斷非出於籠絡之術卿之晉謁亦非懷有趨奉之心朕皆深信而無疑者人臣於義固無私交若同心體國互相愛敬則又惟恐其不然也覽奏朕實欣悅之至

雍正十三年八月初十日直隸總督臣李衛謹

奏爲奏

聞事竊照直隸今歲年景仰邀

聖主福庇雨暘時若高下全獲豐收億兆黎民咸慶堯

天舜日臣前奉

命進京自出清苑縣郊外所經安肅定興涿州良鄉宛
平六州縣境內親見田間各種秋禾茂盛倍常其
穀黍高粱糜稷之中一莖雙穗三穗以上者隨處
皆有因沿路採取各數本同任邱縣先次送到之

瑞穀

進呈

御覽又續據通州三河固安等處詳送到京復經面爲
奏明及臣回任旬日之間又據薊州霸州香河文安

武清大城遷安永清等州縣各產有雙穗竝三四穗嘉禾呈送前來臣未敢頻爲瀆

奏俱經敬謹供奉今又據遵化州詳送

皇陵垣外地中所產瑞穀竝內有一本三枝九穗者及保定縣呈送耜田內所產瑞穀各到臣伏思遵化爲陵寢鍾靈重區耜田爲

聖主特行大典欽惟

皇上敬

天勤民昭格

蒼穹感孚

列祖是以嘉禾駢穗良稼雙岐旣廣育以呈祥羣應時而
獻瑞臣身在地方目擊實有嘉徵何敢隱而不宣
謹據實奏

聞竝將遵化州保定縣所產瑞穀隨摺恭

進伏祈

睿鑒謹

直屬今秋收穫實爲罕遇豐年朕惟額手稱慶而已夫
復何諭戴

上帝已往之恩每撫躬而滋懼籲

彼蒼將來之佑亟修德以欽承我君臣期共勉之

祖是以前未明德良祿雙岐既廣有以呈祥羣應時而
獻瑞臣身在地方目擊實有嘉徵何敢隱而不宣
謹據實奏

聞竝將通化州保定縣所產瑞穀隨摺恭

進伏祈

聖鑒

奏

臣屬今秋收穫實爲罕遇羣年朕惟額手稱慶而已夫

復何謝哉

恭錄來文並聖旨以煇承奉臣等共頌之

